

# *TADIMANG HO JESU*

 Amen. Ke a leboha, George, Becky, le Kgaitsemi Ungren, ka thoko e monate eo! Ke nnete, "Tsohle di a fetoha ha Jesu a fihla." O kwalla lefifi ka ntle, mme o chabisa Lesedi, mme re lebohela hono. Jwale, e ne e le kgetlo la pele Becky a letska kerekeng mona, thoko e tshwanelehlang hakakang, *Ha Jesu A Ne A Fihla.*

<sup>2</sup> Ka baka leo re motlotlo ho kgutlela mona hape, bosius bona, le ho leboha haholo ka...ka ketelo ya lona e ntle hoseng hona. Mme jwale bosius bona, ke, ke na le sehloohonyana seo ke batlang ho bua ka sona, metsotsong e mmalwa; empa pejana ho mono, ke loketse ho etsa ditsebiso, le dintho.

<sup>3</sup> Mme ke batla ke tjhele lentswe. Ke nahana e le ka baka la ho bua ho feta tekano. Ke ile ka rera nako e telele. Empa ha ke nka tsena, hora kapa tse pedi, diteipi, mme ha ke kgutlela mona, ke ka hoba ke di hatisetsa lefatshe ho pota. Ka baka leo ke le leboha ka ho re mamella hakana hoseng hona.

<sup>4</sup> Mme jwale ho na le dintho tse mmalwa tseo ke ratang ho di bolela hantle mona. Teng, ke hore, ke—ke rata ho kopa kereke, ntho ya pele, ntho eo ke ileng—ke ileng ka e etsa, mme ke—ke batla ho botsa hore nka e fetola na, bosius bona. Ha re...

<sup>5</sup> Ha ke etse dikano tsa selemo se se tjha. Jwale ke...hosane re lokela ho ya hae, ka baka leo re ke ke ra ba mona bakeng sa selemo se se tjha, ho...empa re tla le hopola. Mme kea kgolwa ho tla ba le kopano mona, bakeng sa bosiu ba selemo se setjha. Eya, ke hantle, e—e tshebeletso ya tebelo, jwale ka ha ba ye ba e tshware bosius ba selemo se se tjha. Re rata ho sala, empa re ke ke ra kgona ho kgutla ka nako ho—ho kenya bana sekolong. Mme mosadi wa ka o lokela ho hlatswa diaparo tsa bona; le tseba kamoo ho leng kateng.

<sup>6</sup> Ka baka leo ke batla ho leboha e mong le e mong wa lona ka dintho tse ntho tse ntle tseo le re etseditseng tsona ka Keresemese. Le lona basadi ba ileng ba nyolohela mono le dijo ka tlung, le dintho, bakeng sa rona, hoo ha re fihla mono—mono, keha dintho di se di phehilwe mme di loketse ho jewa. Ruri ke le leboha ka hono. Modimo a ke a le hlohonolofatse kamehla.

<sup>7</sup> Le kereke, ka teketeniana ya bona, nka ya teng mona mme—mme ka iphumanela diphahlo tse mmalwa ha ke di batla, bakeng sa sutu. Ba mpha sutu selemo le selemo. Mme metswalli e itseng ya ka e mosa e sa tswa mphumanela sutu. Ka baka leo ke nahana, ha eba ho itoketse, ke hloka dintho tse ding tse kang dihempe le dihempe tsa ka hare, le dintho, ke

rata ho sebedisetsa tjhelete bakeng sa hono ha eba ho itoketse ho kereke. Ke hloka dintho tseo ho feta ka moo ke... hampe ho feta kamoo ke hlokang sutu, hantle hajwale.

<sup>8</sup> Mme jwale, mohlankanyana enwa ya sa tswa re binela, Moena George Smith, ya tswang tlase kwana Tucson, re nnile ra etela kereke ya bona hodimo mono, kereke ya New Testament Baptist. Ntatae ke mishinare. Kea kgolwa o na le dikereke tse ka bang supa tlase Old Mexico. Mme ruri ho na le batho ba bang ba lokileng mono. Mme ntatae le mme, le bao bohole, ke batho ba lokileng. Mme George ke mohlankanyana ya kgabane. Ke mohau a sa ka a re pakela pele a dula fatshe, ka mohau o pholosang wa Kreste bophelong ba hae.

<sup>9</sup> Mme jwale, e—e Melaetsa, ha se kgale ha ke ne ke tshepisa mona, hore Melaetsa ena, pele ke ya dikopanong, ke tla kgutlela mona mme ke e hatise pele ke nto tswa. E le ka baka la ho isa diteipi bathong. Ebe ke kgutlela mona mme ke hatise Molaetsa, ke ntano tswa ho ya O rera. Hoo ho tla fa batho monyetla, ho—ho baetsi ba diteipi, ho etsa teipi le ho e nka ha re tsamaya. Jwale ke itokisetsa ho kena letotong le leholo la leeto la boevangedi, ka baka leo nke—nke ka kgona ho etsa jwalo ho tloha jwale, le a bona, mme ba etsang diteipi ba tla lokela ho di fumana ha re ntse re tsamaya.

<sup>10</sup> Mme ke nahana hore, hodim'a tsohle, na ha ba na tshebeletso ya diteipi vekeng ee? Kapa, ntho e nngwe e amanang le yona, ntho e amanang le diteipi vekeng ena. Leha ho le jwalo, kea kgolwa Moena Sothmann o teng mona, mme o emetse Moena Maguire. Ha ke tsebe haeba a le teng mona kapa tjhe. Ke kgolwa Moena Fred a le teng mona. Motho o mmoletse a na a le teng. Mme yena... kea kgolwa ba tshwere kopano vekeng ena, mohlomong hosane bosiu, kapa nako e nngwe, ya diteipi. Re ne re bua ka yona bosiu bo bong, ka phaposing ka mono. Ke dumela ho fihlile nako ya ntho e nngwe, ya ho e nka le ho e hlophisetsa.

<sup>11</sup> Ka baka leo, ho qala jwale, mohlomong ke tla rera Melaetsa feela eo ke eso e ame mona tabernakeleng, dikopanong tse ka ntle kwana.

<sup>12</sup> Mme jwale ke entse, ke batla ho leboha Modimo ka bopaki boo ba Moena Blair. Moena le Kgaitseid Blair ba dutse hantle mona bosiung bona, ba dutse hantle ka pel'a rona mona, bona ba ne ba nkile moshanyana e monyenyan. Mme ke sa hopola ha Morena a na a mpolella, mohla a ne a... Moena Blair, o ne a ferekane haholo, a bokolla. Mme moshanyana wa hae a pshatlehile sefahleho ka mokgwa *wona*, ke koloi e phethohileng, mme o ne a le mobe haholo. Empa yare ke sa—ke sa rapela, ka bona thakanyana leo le itoketse. Mme Moena Blair, ehlile, a mpotsa, ho re, "Moena Branham, na hoo ke HO RIALO MORENA?"

Ka re, “Moena Blair, Blair, ke HO RIALO MORENA.”

<sup>13</sup> Mme Moena Blair o teng mona bosiung bona. Mme ruri re leboha haholo ho ba mmoho le Moena Blair. Mme esale a tshwenngwa ke—ke nthwana bothata ba methapo. Mme Satane o hlile a mo kgohlopa haholo, nakong e seng kaalo e fetileng, ho leka hore a se dumele ho nna. Mme yare Satane a sa etsa hoo, Morena a fihla hantle mme a mo senolela yona; a ba a mmolella ka yona, e le ho e kgaola feela pele ho fihla nako ya ntho ena. Mme Moena Blair ke monna ya kgabane. Ke batla ha le ka mo hopola. O batla a eme pakeng tsa mehopolo e mmedi ho re a etse'ng. O mpa a sa tsebe mokgwa wa ho kgutla. Mme kea tshepa, Moena Blair, hore Modimo... O mohlanka e moholo wa Kreste, mme O o reretse ho etsa tse ngata, hoba Masedi a rothofala. Na o ne o le teng hoseng hoo? Uh-huh. Be, hoo ho itoketse.

<sup>14</sup> Jwale-jwale, kea kgolwa, mohla ke o bonang, e ka nna ba ka Selemo, nakwaneng feela. Mme nakong eo, mohlomong re tla be re tseba ha re tla tshwara e—e dikopano, kapa tjhe, mona Jeffersonville, mohlang oo ke tshwanetse ke be ke le Norway le dinaheng tsa Scandinavia. Jwale pejana feela re nka mohlodithero...

<sup>15</sup> Hoba, re na le mola wa ho rapella o tla latela, mme bongata bo eme, diphaposing, le pela mabota, le jwalo, mme ke a tseba, lona, ho le thatafalla haholo. Mme nkile ka ema, hangata, kabonna. Mme ke ile ka feta, nakwaneng e fetileng, ha ke tlisa mosadi, ka hlokomela batho ba pela menyako. Mme ka nahana, “Ke mang ya reng Evangedi e sa ntse e se ntho e kgahlehang ka ho fetisisa lefatsheng?” Ehlide ke yona. E, E hohela ba namg le kgahleho ho Yona. Ba sa kgahlweng, ehlide, ha ba etse jwalo. Bao, E ke ke ya ba yona. Empa, Jesu, “Ha Nka,” ho re, “ha Nka nyollwa lefatsheng, Ke tla hulela batho bohole ho Nna.” Ke nnete e kakang!

<sup>16</sup> Mme ha ke fihla mona, ho na le dintho tse ngata hakana tse ka buuwang, mme ke tlamehile ho ngwapa fatshe se ke tla se bua mona, nakwana e seng kae. Kapa ke... Dintho di ngata tse ka bolelwang, o mpa o lebala seo o ne o tla se bua.

<sup>17</sup> Jwale, kamoo ke utlwisisang ntata Moena Ungren o kolobeditswe hoseng hona, ka Lebitso la Jesu Kreste. Mme ha Kgaitsemi Ungren le bao ba le teng mona, ke kgolwa e le ntho e kgolo ho bona, hobane eo esale e le thapeko ya bona e phehellang ka dilemo-lemo. Mme Moena Ungren, hohle moo o leng teng, Modimo a hlohonolofatse, moena wa ka.

<sup>18</sup> Mme ha e sa loka, Modimo o tla ntjarisa boikarabelo ba yona ka Letsatsi la Kahlolo. Le a bona? Kea tseba hobane e nepahetse. Ke—ke tla jara molato wa yona. Ke hantle haholo, hobane ke Nnete.

O ka re, “Na e etsa phapang?”

<sup>19</sup> E e entse ho Pauluse. Ba ile ba botsa kamoo ba kolobeditsweng. Ba re ba se ba kolobeditswé ke Johanne, monna ya kolobeditswé Jesu. Pauluse a ba laela ho tla le ho kolobetswa botjha, hape, ka Lebitso la “Jesu Kreste.” Mme ha ho le motho ya mong ka Bibeleng ya kileng a kolobetswa ka Lebitso la “Ntate, Mora, le Moya o Halalelang.”

<sup>20</sup> Ha ho batho ba kileng ba kolobetswa jwalo haese hofihlela ho hlophiswa kereke ya Katolike mane Lao-... Lao-Nicaea, Lekgottleng la Lao-Nicene mane Lao-Nicaea, Roma. Ke hona moo ho kileng ha kolobetswa motho wa pele, ho sebediswa maemedi a lebitso.

<sup>21</sup> Mothaka e mong o na a re ho nna tsatsi le leng. Ke ile ka re, “Be, haeba... ‘Morena Jesu,’ leo ke Lebitso la Hae.” A re... “Be,” ka re, ‘ha motho a ka tla ho wena...”

O ile a re, “Ke nahana e sa etse phapang ya letho.”

<sup>22</sup> Ka mo tshwara feela ka thuto ya hae hantle. Ka re, “Ha motho a ka tla ho wena a re, ‘Ke kolobeditswé ka Lebitso la Rose ya Sarone, Mohaladitwe wa Diphula, Naledi ya Meso,’ o no o tla re ‘amen’ ho yona?”

A re, “Tjhe, monghadi.”

Ka re, “O ne o tla...Na o no o tla boela o mo kolobetsa?”

Ho re, “E, monghadi.”

Ka re, “O no o tla mo kolobetsa jwang?”

A re, “Ke ne ke tla mo kolobetsa ka Lebitso la ‘Ntate, Mora, Moya o Halalelang.’”

<sup>23</sup> Mme ka re, “Ke kamoo ke ne ke tla mo kolobetsa kateng, ee, ka Lebitso la Ntate, Mora, Moya o Halalelang.” Ka re, “Jwale, ‘Rose ya Sarone, Mohaladitwe wa Phula, le Naledi ya Meso’ ha se lebitso.”

A re, “Ke nnete. Ke leemedi la lebitso.”

<sup>24</sup> Ka re, “Ho jwalo le ka ‘Ntate, Mora, le Moya o Halalelang.’ Jwale ke ne ke tla mo kolobetsa ka Lebitso la Ntate, Mora, Moya o Halalelang; mme Lebitso la Ntate, Mora, le Moya o Halalelang ke ‘Morena Jesu Kreste.’ Ka nepo. Ka baka leo ke re...” Yaba moo a e bonang.

<sup>25</sup> E ne e le Moena Joseph Mattsson-Boze, wa Chicago, thaka le thata ka ho fetisisa leo nkileng ka lokela ho le pshatla, ka taba eo. Mme kea kgolwa jwale ke na le batala ba ka bang dikete tse tharo kapa tse nne ba lokelang ho kolobetswa jwale, mohlang ke yang le yena Afrika, le ho kolobetswa hape.

<sup>26</sup> Jwale, re motlotlo ka Lesedi la Evangedi. Mme ka baka leo jwale, Jesu o boletse, mohla A na a le lefatsheng mona, “Nna, seo Ke se utlwang, Kea se bua.” Mme jwale ke tla re... bakeng sa metsotso ya rona feela e latelang, metsotso e ka bang leshome, kapa leshome le metso mehlano, pejana feela

ke nka mohlodithero wa ka, homme mohlodithero o mokgutshwane haholo, mme re ntoo tshwarana le mola wa thapelo. Ke fihlile sebakeng tshebeletsong ya ka, moo ke...Ke tlamehile ho—ho bua ntho e nngwe. Mme ke...

<sup>27</sup> Jesu o e buile. Hore seo A se utlwileng, ke sona seo A se buileng. Mme O itse, “Ke le bitsitse metswalle ya Ka, mme motswalle o bolella metswalle ya hae dintho tsohle.”

<sup>28</sup> Pauluse o boletse, ho Diketso 20:27, “Ha kea ka ka tswafa ho le bolella Tshwanelo yohle ya Modimo.” Le a bona?

<sup>29</sup> Mme le nna ha nke ke kopane, bosiung bona, mme ke bue hammoho le mohalaledi eo wa kgale ntho e tshwanang. Ho latela bokgoni ba tsebo ya ka, ha kea ka ka...Ha kea ka ka tswafa, empa ka le bolella Tshwanelo yohle ya Modimo.

<sup>30</sup> Motho o na a letsatse teipi e nngwe, ka tsatsi le leng. Mme kahobane e ile ya halefisa motho e mong, ba ba thunya ka fensetere, mme mosadi a tswa kotsi.

<sup>31</sup> Ka baka leo mohlomong ka tsatsi le leng ke tla tiisa bopaki ba ka. Empa ha nako eo fihla mme e le...Ke itokiseditse ho tsamaya. Pele nako ya ka e fihla, ha ho letho le tla ntsha kotsi pele ho nako eo. Le a bona?

<sup>32</sup> Jwale, re dumela yona Evangeli eo, hantle feela kamoo Bibele e ngotsweng kateng. E botsekeng. Mme—mme ha sethunyana se beilwe botsekeng, mme se sothilwe; ha se otla tekele kgetlo la pele, se tla e otla kgetlo la bobedi, le ka dinako tsohle.

<sup>33</sup> Ha sefate, kapa lekala, morara, o hlahisa lekala, mme lekala leo le bea tholwana e itseng; kgetlo le latelang ha—ha morara o hlahisa lekala, le tla bea tholwana ya mofuta ona oo.

<sup>34</sup> Mme ha Jesu e le sefate sa Morara, mme rona re le makala; mme Lekala la pele, Kereke, leo sefate seo sa Morara se le hlahisitseng, ba ngotse Buka ya Diketso e le latelang. Mme Lekala leo la pele le kolobeditse ka Lebitso la Jesu Kreste. Mme ba ne ba ena le Modimo o phelang hara bona, ya entseng dintho tse tshwanang hara bona le tseo A di entseng mohla A na a le hodima lefatshe. Le hona, batho ba bile ba ba lemoha, leha ba ne ba sa bala ba sa ruteha, hore ba tsamaile le Jesu, hobane Bophelo ba Hae bo ne bo phalla ka bona.

<sup>35</sup> Jwalo kaha ke ee ke bolele, hola ke ne ke ena le moywa—wa Beethoven ka ho nna, ke ne ke tla ngola dipina. Hola Beet...holo ke...Holla Beethoven a na a phela ka ho nna, ke ne ke tla ba Beethoven. Le a bona?

<sup>36</sup> Holla Shakespeare a na a phela ka ho nna, ke ne ke tla ba Shakespeare. Ke—ke ne ke tla ngola dithothokiso, le—le—le ditshwantshiso, le jwalo-jwalo, holla Shakespeare a na a phela ka ho nna.

<sup>37</sup> Mme ha Kreste a phela ka ho nna, ke tla etsa mesebetsi ya Kreste. Hantle. Ho loketse jwalo. Mme Kreste ke eng? Lentswe. O itse, “Ha le dula ho Nna, Lentswe la Ka le le ka ho lona, jwale le ka kopa seo le se batlang; mme se tla etswa.” Hobane, Lentswe le teng mono, le mpa le hloka Lesedi; mme Lesedi lea Le phedisa.

<sup>38</sup> Ka baka leo jwale ke tlilo le bolella ntho e nngwe, jwale, eo ke eso ka ke e bua ho tla jwalo. Mme, ke hore, seo esale re se lebeletse nako e telele hakana (bonnyane ka dilemo tse ngata, dilemo tse nne kapa tse hlano, kapa mohlomong haleletsana), Kgulo ya Boraro, jwale e se e netefaditswe, mme kea kgolwa lona bohole le tseba seo e leng sona.

<sup>39</sup> Jwale le hopole, e ke ke ya qopitswa, hoba e ke ke ya ba teng. Le a bona, ho ke ke ha etswa. Jwale e teng. Mme ke na le... Ke hlokomedisitswe ka taba ena, hore kapele... E etsahetse hantle jwale nakong yona ena, ka baka leo e ka tshoha e tsebisa boteng ba yona hara lona, le a bona, empa e ke ke ya sebediswa ka mokgwa o moholo pele Khansele ena e qala e fina seledu maqhaama. Mme ha e etsa jwalo, ha hoo ho etswa... Mapentekosta, le ba jwalo, ba batla ba kgona ho etsisa sohle se etswang. Empa ha nako eo e fihla, mohla khatello e pitlahanang, jwale le tla bona, seo le se boneng e le sa nakwana, se bonahatswa ka matla a sona a tletseng. Le a bona? Le a bona? Le a bona?

<sup>40</sup> Jwale ke tshwanetse ho tswelapele ka boevangedi. Jwalo feels kaha ke ronngwe, pele, ke tshwanetse ho tswelapele. Ka baka leo, le fumane Lentswe, mme le tseba seo le se loketseng ho se shebella, mokgwa wa ho ema. Ke tshwanetse ho tswelapele ka boevangedi. Mme, metswalle ya ka, tholang, le dule le ntse le tsamaya, hoba hora e atamela ka potlako, le a bona, moo ntho e nngwe e se e tla etswa.

<sup>41</sup> Jwale, le ka tshoha le bona dinthwana tse kgelohileng di ntlhahela. E seng sebe; ha ke bolele hono. Empa, ke bolela, ntho e kgelohileng tsamaiso e tlwaelehileng. Hobane, moo ke leng teng jwale, tshebetson, ke wela morao mona, ke shebile letheba leo mme ke emetse nako ya ho e sebedisa. Empa, e tla sebediswa.

<sup>42</sup> Mme e mong le e mong o tseba hono, hobane, jwalo kaha ya Pele e ile ya tsebahatswa, le ya Bobedi e tsebahaditswe. Ha le ka nahanisisa hantle haholo, lona ba moyeng. Jwalo kaha Bibele e boletse, “Ya ruileng bohlale a utlwisisi.” Ya Boraro e tsebahaditswe ka ho totobala. Le a bona? Re tseba moo e leng teng. Ka baka leo, Kgulo ya Boraro e fihlile.

<sup>43</sup> E halalela, hoo, ke sa tshwanelang ho bua haholo ka yona. Jwalo kaha A mpoleletse tshimolohong, ho re, “Ena, o se bue letho ka yona.” Le sa e hopola, dilemong tse ngata tse fetileng? [Phutheho e re, “Amen.”—Mong.] E a ipuella. Le a bona?

Empa hape... ke lekile ho hlilosetsa ba bang, mme ka etsa phoso. Ena e tla ba yona ntho eo, ho latela mohopolo wa ka... Ha ke re ke Morena ya mpolellang sena. Ena e tla ba yona ntho e tla qala tumelo e Hlwibilang, bakeng sa ho tsamaya. Le a bona? Le a bona? Mme e...

<sup>44</sup> Ke tshwanetse ho dula ke kgutsitse nakwana feela. Jwale le hopole, le wena ya mametseng teipi ena, le ka tshwana le bona phethoho e kgolo hang-hang tshebeletsong ya ka ya lenseswe, o kgutlela morao, o sa ye hodimo; o kgutlela morao. Hona jwale re mongwaheng oo hantle, mme o ke ke wa kgona, wa tswelapele ho feta. Re tshwanetse ho ema motsotsotso pele ntho ena e etsahala *mona*, ho ka finyella, ebe nako ya fihla. Empa, e tsebahaditswe ka ho hlaka.

<sup>45</sup> Ho tla fihla nako, ho setjhaba sena, moo setjhaba sena se tla etsa ka matla wohle a sebata se tlileng pele ho sona, moo e ne e le Roma ya bohetene ha e fetoha Roma ya mopapa, le a bona, ke hore setjhaba sena se tla etsa taba eo.

<sup>46</sup> Tshenolo 13 e hlalosa ka ho totobala. "Konyana e ne e tswa lefatsheng. Sebata se seng se ne se tswa metsing," bongata le matshwele a batho. Konyana ena e nyolaha moo batho ba neng ba le siyo. Konyana e tshwantsha borapedi. Konyana ya Modimo... Mme, le hopole, se ne se bua jwalo ka konyana. E ne e le konyana.

<sup>47</sup> Mme yaba, ka mora nakwana, e fe... ea fuwa matla, mme ya bua jwalo drakone; mme ya etsa ka—ka drakone, matla ao drakone e tlileng pele ho yona e ne ena le wona. Mme *drakone* ke "Roma," kamehla. Jwale na ha le bone? Phutheho e hlophisisweng ya Roma; "letshwao," phutheho e hlophisisweng ya Protestanta; "setshwantsho sa sebata," ho etsa matla a tla hatella Maprotestanta wohle, nthong e kang kopano. Le tla lokela ho kena Lekgotleng lena la Dikereke, ho seng jwalo setswalle ha se yo. Kapa ho—ho...

<sup>48</sup> Be, ho—ho batla ho le jwalo hona jwale. O ke ke wa ya rera kerekeng o se na lengolo la botho kapa boitsebiso ba mofuta. Mme jwale, ho batho ba kang rona, re tla kgaolwa nthong eo yohle, ka botlalo, ke hantle, hoba ba ke ke ba kgona ho e etsa.

<sup>49</sup> Ho ntse ho thatafala. Mme etlare ha nako eo e fihla, mme kgatello e fihla moo o ntshetswang ntle ka sheshe, jwale le hlokomele seo ke itokisetsang ho le bolella sona metsotsong e mmalwa. Le hlokomele Kgulo ya Boraro he, le a bona, mme ruri e tla be e le ho ba lahlehileng ka botlalo, empa e—e e tlab e etseditswe Monyaduwa le Kereke.

<sup>50</sup> Jwale re haufi ho feta kamoo ho bonahalang kateng. Ha ke tsebe nako, empa e atametse, haholo ho feta. Mohlomong ke beela motho ya tla kena motheo. Mohlomong ke tla tloswa le pele ho nako eo. Ha ke tsebe. Mme nako eo ekaba veke e tlang

ena, moo Moya o Halalelang o tla fihla ka...le ho kgutlisa Kreste Jesu. A ka tla fihla veke e tlang ena. A ka fihla bosiung bona. Ha ke tsebe mohla A tla fihla. Ha A re bolelle taba eo.

<sup>51</sup> Empa ke dumela, re le haufi haholo, hoo nke keng ka shwa ke se ke tsofetse. Leha ho le jwalo, dilemong tse mashome a mahlano le metso e mene, nke ke ka shwa ke se ke tsofetse, pele A fihla mona. Le a bona? Ntle leha nka thunngwa, ka shwa, kapa ntho e nngwe, ho shwa ka tsela e nngwe, feela botsofadi bo ke ke ba mpolaya, pele A fihla. Mme ke dumela hono.

<sup>52</sup> Mme ke batla ho bua sena. Ha ke eso se bue pele. Empa ho latela Lengolo, ho latela seo A se buileng dilemo tse mashome a mararo tse fetileng; dilemong tse mashome a mararo le metso e meraro tse fetileng nokeng tlase mono, ka 1933, ke rialo; seo A se buileng, ntho e nngwe le e nngwe e etsahetse hantle feela. Mohlomong nke ke ka e etsa, empa Molaetsa ona o tla hlahisa Jesu Kreste ho lefatshes. Hoba, “Jwale ka ha Johanne Mokolobetsi a romilwe ho etella ho tla la ho qala, le Molaetsa o tla etella ho tla la Bobedi.” Mme Johanne o itse, “Bonang Konyana ya Modimo e tlosang sebe sa lefatshes.” Le a bona? Ka baka leo, ke, o bapile le seo ka mokgwa o mong le o mong. Mme kea tseba o tla etsa, Molaetsa o tla tswela pele.

<sup>53</sup> Jwale, ho na le dintho tse kgolo tse hlahileng tseleng ho tla jwalo. Hoseng hona ke ne ke tshwere dipuisano tsa sephiri ka phaposing ka mona. Mme e—e mohlankanyana, ya bitswang Autry, mohlomong o sa le teng ka mona bosiung bona. O tswa San Antonio, Texas. O ttile a botsa hore na...mohla re ne re ya Dallas, re tswa California; hore re ka kgona ho re kgalo tabernakeleng ya bona na, bosiu bo le bong feela. Mme ba ntse ba sheba, letsatsi kapa a mabedi a latelang, ho bona ha eba re ka kgona ho etsa hoo. Mme a ntse a mpolella ka...Ha ke eso kgutlele San Antonio ha e sa le ho tloha kopanong eo ya ho qala.

<sup>54</sup> Jwale, kopano ya pele, ha ke ne ke fihla San Antonio. Ke ne ke etetse mono, kea kgolwa, le Moena Coot mmoho le—mmoho International Bible School. Mme ke lebala odotoriamo eo re ne re tshwaretse tshebeletso ho yona. Mme e ka ba bosiu ba ka ba pele kapa bosiu ba bobedi, ke nahana bosiu ba pele, eitse ha ke ya kalaneng, motho e mong a ema ka mohahong, motsheo kwana, mme a bua ka dipuo, jwale ka—ka mochinikane o thunyang. Mme a sa tswa dula fatshe feela, motsotso kapa e mmedi, e mong a be a se a ema kalaneng a fetolela.

<sup>55</sup> Yaba kea thola, ka seo a se buileng. Mme ka re ho monna, “O tseba monna *enwa*?”

A re, “Tjhe, monghadi.” Yaba o re...

Ka re, “O tlide jwang moo?”

<sup>56</sup> A re, “Batho bao ke ba sebeletsang, ba ne ba etetse...ba ne ba le mona phirimaneng ena, mme ba tlide le nna.” Yena ke...e le lekhaoboyi.

Yaba ke re, “Wena o etsang?” A re...“Na o a mo tseba?”

<sup>57</sup> A re, “Tjhe, monghadi. Ha ke eso mmone.”

<sup>58</sup> Yaba ke re, “Wena o mong?” Mme e ne e le-e le morekisi motseng.

<sup>59</sup> Mme seo ba se buileng ka-ka...Jwale, kamehla, pele ke tseba, ke ne ke batla ke belaella ho bua ka dipuo; ke nahana boholo ba tsona e le nama, mme ho ka ba jwalo. Empa ha taba ena e ne e bolelwa, kwahollo eo e ne e lebahane le seo Lengeloi la Morena le se buileng tlase nokeng, dilemo tse leshome le motso o mong pele ho moo, “Jwale ka ha Johanne Mokolobetsi a rometswe ho etella ho tla ha Kreste la ho qala, o rongwa ho etella la bobedi.” Le a bona?

<sup>60</sup> Mme ke eo moo e ne e le teng, moo Lengeloi leo, Lesedi leo le tsebisitsweng ka ho hlaka. Ka kereke, le ka Lentswe mmoho, ka mahlale, le ka ntho e nngwe le e nngwe, e e tsebahaditse. Lesedi leo, kgetlo la Lona la pele le hlaha pontsheng, le eme hantle moo ke ne ke le teng; e ka ba hora ya bobedi thapama, maotong a borogo hantle mono, hantle mona maotong a Seterata sa Spring, ka hara metsi. Jwale, e se e le dilemo-lemo, tse ngata tse fetileng. Mme seo Le se buileng hantle, se hlahile, ho fihla botsekeng.

<sup>61</sup> Moena enwa mona a na ntsa mpolella, hoseng hona. O nyetse ngwanana wa kereke ena, moradi wa Kgaitsei Noyes. Mme ha ke tsebe, kea kgolwa mohlankanyana eo...Na o teng, Moena Autry? Ha ke tsebe. O ne a tswa San Antonio. Ha ke tsebe o teng mona kapa che. O ne a le teng hoseng hona. Mme a ntse a mpolella. Kea kgolwa e ne e le ntataemoholo, kgabareng ya kopano, e sa le a tshwere ke sethwathwa bophelo bohole ba hae, mme a tliswa mona.

<sup>62</sup> E le kgetlo la Pele, maqalang a mosebetsi wa lentswe, mohla Le ne le rialo, mme temoho ya meya e bea matsoho a bona hodima la ka, mme se neng se tla bolelwa se tla ba jwalo. Mme ka le bolella, mme dipaki di ngata phirimaneng ena, hore ke ne ke tla tseba mohopolo wa pelo ya bona. Le sa e hopola, le pele e ka hlaha? Dilemong tse ka bang hlano kapa tshelela hamorao, hoo ha etsahala; hodimo kwana Canada, kgetlo la yona la pele, mme seo sa etsahala. Yaba O re, “Ha o ka dula o tshephahala, e tla dula e tswelapele.” Mme jwale ntho ya Boraro e hlahile, le a bona, ho tswelapele e sa kgaotse.

<sup>63</sup> Mme a re ntatae o ile a kenngwa moleng, a bolellwa ka sethwathwa sena, le jwalo, mme a etsetswa thapelo. Mme ke dilemo tse leshome le metso e tsheletseng tse fetileng, kea

kgolwa ke tsona, dilemo tse ka bang leshome le metso e tsheletseng kapa leshome le metso e supileng tse fetileng. Mme o re ha eso tshwarwe ke yona ho tla mohlang oo. Mme o se a batla a atametse dilemo tse mashome a robedi le metso e mehlano, mme ha a eso tshwarwe ke yona ho tloha mohlang oo. Ke eng? “Jesu Kreste e sa le yena maobane, kajeno, le ka ho sa feleng.”

<sup>64</sup> Na Margie Morgan o ka mohahong? Kgaitsedi Margie Morgan, mofumahadi ya neng a jelwe ke mofetshe; mooki. Ke ba bakae ba hopolang Kgaitsedi Morgan? Ha a le teng mona, ha a kgone ho kena ka hare. E ne e le mooki. Le a bona, a le lenaneong la kankere mane Louisville, mosadi eo o sa na shwe dilemong tse ka bang leshome le metso e tsheletseng, leshome le metso e supileng, lenaneong la kankere mane Louisville.

<sup>65</sup> Eitse ha Jim Tom Robertson, leqwetha, leqwetha la Mokreste, a e utlwela, a ya Sepatala sa Baptist, ho lhahloba le ho bona ha eba ho ne ho le jwalo, hoba ntatae o lekgotleng, ke teraseti Sepatala sa Baptist. Mme yaba ba shebana le bothata boo, mme mosadi eo o loketse a be a ne a shwe, dilemong tse ngata tse fetileng. Mme ke mooki mona Jeffersonville, sepatala. Mohla a ne a eme mona, ba ne ba lokela ho mo tshehetsha, a sa nke le hantle kelellong ya hae. Empa e ne e le HO RIALO MORENA, mme o a phela. A ba kgwtleld booking, mane Louisville.

<sup>66</sup> Mme mothaka e mong tlase mona, tulong ya Schimpff Candy. Mongh. Schimpff o teng phirimaneng ee? Ke rata ha a ka e pheta, ha a le teng. Sonny Schimpff, monna e moholo ya atlehileng mmeleng. Hangata ke ne ke tlawetse ho . . .

<sup>67</sup> Ha ke batle ho bua sena, empa ke nnete. Pop o ne a tlwaetse ho mpha disente tse leshome ha ke sebeditse veke yohle, ebe ke etela motseng ke emise baesekele ya ka ha Moena Mike Egan, e mong wa diteraseti mona. Le Jimmy Poole, kea kgolwa mora hae o teng mona phirimaneng ena; nna le Jim, le Ernest Fisher, mme re theohele toropong, re ye dipontshong tsa disente tse hlano, mme re ne re shebella ditshwantsho tsa kgale tse sa bueng. Re le bana feela, mme re rata ho etsa jwalo, dilemo tse ka bang robedi, kapa leshome. Re ena le William S. Hart eo. Bongata ba lona mathaka ha le mo hopole, setshwantshi sa kgale. Ditshwantsho tse sa bueng; mme ke sa kgone ho bala. Ke lokela ho shebella se etsahalang feela. Mme se ne se lokela ho e ngola, mme ke sa kgone ho se bala, empa ke shebelle seo a neng a se etsa.

<sup>68</sup> Ebe ke sallwa ke disente tse hlano. Mme ke ba bakae ba hopolang ba reka mochupunyana wa lebejanapo ka peni e le nngwe? Hantle haholo. Mme nka reka metjhupu e mehlano ya lebejanapo, le dipompong tsa di-red hots tsa dipeni tse pedi. Nke ke ka dula ke tshware mochupu wa lebejanapo, ka hona

ke o je. Ebe ke ithekela dipompong tse tlabolang tse kgubedu ka dipeni tse pedi, mme dintho tseo di batla di etsa halofo ya ponto ka bongata. Mme Schimpff o ne a di etsa. Mme ke kene mono, ke dule ke shebelle William S. Hart.

<sup>69</sup> Mme thaka lena, a le moholwanyane ho nna, a tshwarwa ke lefu, hoo dingaka tse hlano tse ikgethang tsa Louisville di ileng tsa mo tela, a le boima ba diponto tse ka bang mashome a mane le metso e mehlano, mme a shwa. Mof. Morgan a ntsa mo alafa. Mme a le maemong a jwang! A tshwerwe ke dintho tse ngata hakana; matshwafo a hae a fedile, mmetso wa hae o fedile. Diphakana tsa hae di ka ba botenya bo bo *kalo*, mme a robetse mono, a shwa.

<sup>70</sup> Mme Mof. Morgan a tholwa ho tla etsa mosebetsi. Ka baka leo a re ho yena, “Ka tsatsi le leng ke ne ke le mokudi wa kankere,” mme a qala a mmolella.

<sup>71</sup> A re, “O itse ke mang, Billy Branham? Kgele,” a re, “Ke mo rekiseditse sehlopha se seholo sa dipompong tsa di-red hots le mahlakana a lebejanapo.” A re, “Ke a ipotsa o tla tla nthapella na?” Mme ka theoha ka ya rapella Junie Schimpff.

<sup>72</sup> Mme jwale ha le rata ho qoqa le yena, ke Schimpff’s Candy tlase mona, haufi feela, kapa monyako wa bobedi ho tloha LeRose Theatre, tlasana ho seterata. Schimpff’s Candy, kaofela ha lona mona le tseba moo e leng teng. Kgele, ke le leng la a kgale ka ho fetisisa Jeffersonville.

<sup>73</sup> Mme yare a sa robetse mono, a shwa, dingaka tse hlano tse ikgethileng di mo file dihora feela ho phela. E ne e le HO RIALO MORENA, “O ke ke wa shwa; empa o tla nthekisetsa dipompong tsa di-red hots hape, tafoleng.” Kgale . . .

<sup>74</sup> Ka tseba hore o hlaphohetswe, empa ke se ke lebetse kgale. Mme nna le mosadi ra theoha ho reka dipompong tsa khendi, mohla re fihlang mona ka Keresemose. Mme ho re jwang, ha ke tsebe, ho tlie jwang re nahane ka Schimpff’s. Hoba, ka tlwaelo, ke ya ho le leng la mabenkele ana a meriana ho di fumana, empa ra emisa ka pel’ a Schimpff’s.

<sup>75</sup> Ha ke kena, kgaitsemi ya hae a sheba, mme a re, “Be, Moena Branham.” A re, “O sa hopola Junie?”

<sup>76</sup> Ka re, “E.” Mme ke moo, thaka le leholo, le matla, le phetseng hantle mmeleng.

<sup>77</sup> Yaba ke atamela khaontareng, ka e sheba, ka sheba fatshe *tjena*. Ka re, “Ke batla sehlopha seo sa dipompong tsa di-red hots.”

<sup>78</sup> Yaba o re, “E, monghadi.” Ka hona, kgaitsemi ya hae o na emetse mosadi wa ka. Mme, ha ho le jwalo, a di ntsha.

<sup>79</sup> Yaba ke re, “Ke ne ke tlwaetse ho di ja, kgale haholo, hodimo mona tulong ya ditshwantsho”; ke iname.

Mme a re, "Eya," ho re, "bana ba bangata ba di reka."

"Ba sa ntse ba reka," ka rialo.

A re, "Ke ntate ya di entseng, ya futswetseng motswako oo."

Ka re, "Ruri kea di rata."

<sup>80</sup> Jwale, hoba a di lokise mme a nneeletse tsona, a re, "Ho sa na le ntho e nngwe hape?"

Mme ka re, "Ha ke tsebe," mme ka inamoloha. Oho, banna!

A re, "Moena Branham!"

<sup>81</sup> Ka re, "Ke tsena dipompong tsa di-red hots, tseo, ke itseng, 'HO RIALO MORENA,' ka tsona dilemong tse ka bang hlano tse fetileng."

<sup>82</sup> A re, "Moena Branham, ke fodile ka ho phethahala, le tshwaetso e le nngwe ha e yo. Ke batla ke utlwa ka thata ka tsebe e nngwe." Kea kgolwa o ho bomashome a mahlano. A re, "Ke batla ke utlwa ka thata tsebeng e nngwe, ka hoba ba mphile diantibaotiki [dilwantsha mahloko—Moft.] haholo ha ke ne ke le mono." Mohau o hlollang wa Jesu Kreste!

<sup>83</sup> Jwale ha ke na nako e ngata ho pheta ntho e nngwe, empa ke—ke—ke batla ho etsa tlhahiso ena.

<sup>84</sup> Ke ba bakae ba hopolang dihlora? [Phutheho e re, "Amen."—Mong.] Ho lokile. E sa le e le Lengolo le makatsang, bophelong ba ka, ke bile ke—ke sa le utlwisise.

<sup>85</sup> Ho bile ho na le le leng le mmakatsang, e le mohla Moshe a na ka bolella Modimo tsela e molemo ho feta ka moo Modimo a ne a tseba ho etsa ntho, ha Moshe a ne a re, "Batho ba tla re, 'Modimo wa lona o kgonne ho le ntsha, empa o sitwa ho le baballa,'" yaba Moshe o itahlela sekgeong. Hamorao ka fumana hore, Moshe, e ne e le Kreste ka ho Moshe, a eme bakeng sa batho. Le a bona?

<sup>86</sup> Ka baka leo Lengolo lena, ke sitwa ho rera ka lona, "Ha o ka re ho thaba ena, 'Sutha.'" Mme le tseba pale, ka baka leo ke tla e tlola. Jwale, ke sa tsebe le moo ntho eo e lebisang teng. Mme kea kgolwa Moena Woods le Moena Fred, le bao, ba ka hara mohaho mona, ba ne ba le teng mohla e etsahalang, kapa hantle ka mora ho etsahala ha yona mono.

<sup>87</sup> Mme Moena Rodney le Moena Charlie, ba tswang tlase Kentucky, moena le Kgaitsemi Wood le bona ba ne ba le teng mohla e neng e etsahala tlase Kentucky, e le kgetlo la bobeli e etsahala. Ho bopa ka polelo feela, dintho tse neng di le siyo. Le a bona? Ho bua, ka mehla, le ho tshehetse Mangolo, ho kgothatsa.

<sup>88</sup> Kgetlong la boraro ha e ne e etsahala e le Hattie Wright. Na Hattie o teng bosiu boo? Ho Edith ke... Ba bakae ba

tsebang Hattie Wright? Nna le Moena Woods re ne re dutse mono mohla e neng e etsahala, leha Moya o Halalelang o ne o re, “Mo fe seo a se batlang,” mme re ntse re bua ka yona, ka moo dihlora tseo di ileng tsa boptjwa kateng.

<sup>89</sup> Mme ka re, “Ke, ntho feela eo e leng yona, Ke Jehova-Jire. Mohla Abrahama a neng a hloka pheleu, Modimo wa hlahisa pheleu. Wa ba Wa hlahisa dihlora. A ka bopa sehlora ka polelo, hoba Ke mmopi, hantle feela jwaleka ha A ka bopa pheleu ka polelo. Abrahama o ne a sa e kopa. A mpa a e etsa, empa hoo ha supa hore Jehova-Jire o ne a le teng mono.”

<sup>90</sup> Ha ke rialo, mosadi ya ikokobeditseg . . . Kgetlo la pele ntho ena e kileng ya etsahala, Kgulo ya Boraro, ho motho, e ne e le ho mosadi e monyenyan, ya ikokobeditseg.

<sup>91</sup> Teng, a etsa didolara tse ka bang makgolo a mabedi ka selemo, ho iphedisa, sohle seo a neng a se fumana polasing ya hae. Monna wa hae a se a shwele; bana ba babedi ba seng ba batla ba hlahafetse. Mme o na tle ho nehelana ka didolara tse mashome a mabedi, tsa ntho eo, kahong ya Tabernakele ena. Mme Meda a sa tswa mpha tjheletana ya dikorosari hoseng hoo, didolara tse mashome a mabedi, mme ke batla ho mo kgutlisetsa yona mohlang oo, mohla ke ne ke le tlase mono, a tle a se tlamehe ho e lefa. A mpa a hana ho e nka. Mme yare ha . . .

<sup>92</sup> O ne a dutse morao khoneng, mme eitse ha ke re, “Seo ke se tsebang feela, ke hore, E sa le Jehova-Jire.”

<sup>93</sup> Mme Hattie e monyenyan a bua lentswe le nepahetseng. A re, “Ke Nnete e tiileng ruri.”

<sup>94</sup> Mme yare a sa rialo, Moena Banks Woods mona ke e mong ya neng a le teng, yaka phaposi e a phatloha. Mme Moya o Halalelang wa re, lona Lentswe le buileng ka dihlora, ha thwe, “Mo fe seo a se batlang.”

<sup>95</sup> Mme ka re, “Kgaitsedi Hattie, ke le paki pela Modimo, ke ena moo e leng teng. Jwale, ha ho ena le pelaelo kelellong ya hao, o kope seo o se batlang, mme ha se sa bewe matsohong a hao, ke tla be ke le moporofeta wa bohata.”

<sup>96</sup> A re, “Moena Branham.” Motho e mong le e mong o ne a lla. Ho re, “Ke tla kopa eng?”

<sup>97</sup> Ka re, “O mofutsana, mme o dula leralleng hodimo mono, ha o na tjhelete; o ka e kopa. O na le kgaitsedi e monyenyan, ya holofetseng ya dutseng mona, Edith, eo re mo rapeletseng, ka dilemo; o ka kopa phodiso ya hae.” Ka re, “Ntatao le mmao ba tsofetse mme ba fedile; o ka ba kopela. Sohle seo o se kopang, Kgaitsedi Hattie, bona jwale hore se a etsahala kapa tjhe, hantle hona jwale.” Mme ka re, “O sa tswa mpolella, lona Lentswe leo, ho re, ‘Mo fe seo a se kopang.’”

<sup>98</sup> Yaba o a qamaka, a re, “Ebe nka reng, Moena Branham?”

<sup>99</sup> Ka re, “Bolela takatso ya hao. Nahana takatso ya hao e kgolo ka ho fetisia, mme o e bolele.”

<sup>100</sup> Mme esita le bashanyana ba hae ba ntse ba hweshetsa ba tsheha. Yaba o re, “Takatso e kgolo eo ke nang le yona ke pholoho ya bara ba ka ba babedi.”

<sup>101</sup> Ka re, “Ke o fa bona, ka Lebitso la Jesu Kreste,” mme ke bao ba tloha.

<sup>102</sup> Mme e sa le ba tshepahetse kerekeng ena, ka selallo, mathakanyana ao a dule mono a hlatswa maoto le banna, le dintho tse kang tseo. Bohle re dipaki tsa taba eo.

<sup>103</sup> A etsa kgetho ya makgonthe. Mmae o loketse ho shwa, ho jwalo le ka yena, bao bohle. Empa seo a se kopileng se hlola ka ho sa Feleng, homme pholoso ya bana ba hae. Moo e le kgetlo la boraro e etsahala.

<sup>104</sup> Kgetlong la bone ha e ne e etsahala, ke ile ka e hhalosa kgetlo la ho qetela ha ke ne ke le mona, e le hodimo kwana thabeng moo sefego seo se neng se rukgutla. Ke ba bakae ba e utlwileng? [Phuthetho e re, “Amen.”—Mong.] Kgele, kaofela ha lona. Ke hantle. Moo sefego seo se neng se rukgutla. Mme Modimo ke Moahlodi wa ka ke sa eme mona, ke theoha thaba mohla . . .

<sup>105</sup> David Wood, o teng mona kae-kae, kea kgolwa, ya neng a nketseditsementjhisi, e le yona bo! Ke kgolwa o na leka ho kgutlisetsa molamu sefateng ka baka la eo nkileng ka e etsetsa ntatae, dilemong tse mmalwa tse fetileng. A kentse bologna, le—le nama mme ntho e nngwe le e nngwe e kopa-kopantswe. Mme ka e kenya ka hempeng ya ka, pula e bile e na, mme ya fetoha polokwehadi ya hlama feela.

<sup>106</sup> Mme ke ne ke theoha thaba. Sefego se le matla, ke batla, ke sa kgone le ho bona letshoho la ka ka pela ka. Mme kea tseba, ntho e le nngwe feela, o a phikoloswa, hoba moyo oo o a bidika.

Jwale dipaki di teng mona, tabeng eo.

<sup>107</sup> E mong wa bona ke e mong wa bahlanka ba rona ba tshepehang, e leng Moena Wheeler. Na o teng moo, Moena Wheeler? O kae? Eya, hantle mona, Moena Wheeler.

<sup>108</sup> Moena Mann, moreri wa Methodise ya tswang New Albany. Na, Moena Mann, o teng bosiung boo? Ha ke tsebe o teng kapa tjhe.

<sup>109</sup> Moena Banks Woods. Na o teng, Moena Banks? O ka phaposing e hatsiang. Ke hantle. Le—le David Woods.

<sup>110</sup> Le Moena Evans a le teng, kea kgolwa. Na ke nnete, Moena Evans? Moena Evans, o eme pela lebota, o ne a le teng.

<sup>111</sup> Ba ne ba e hasitse ka matsatsi-tsatsi, matsatsi a mabedi pele ho moo, “Sefego se matla sa lehlwa se haola naheng.”

<sup>112</sup> Moena Tom Simpson o teng bosiung bona. Ya re a sa theosa Canada, ba mo kopa ho kgeloha mono hoba a tla sitwa ho feta, “Sefefo sa lehlwa se ne se tla.” Moena Tom, o teng? O ho kae? Ke enwa moo a leng teng, o dutse hantle mona.

Mme yaba maru a nyoloha. Mme ka re, “Baena . . .”

<sup>113</sup> Motho e mong le mong a tswa kapele. Ho se motho morao mono, ho banna ba ka bang lekgolo le ho hong morao mono, ho se motho motho morao mono ha e se sehlotshwana sa rona le badisa ba makgomo, mokalli. Mme re tla sala.

<sup>114</sup> Ka letsetsa Kgaitsedi Evans, mme ka re a letsetse mosadi ho mmolella ho bolella Tony, “Ha ke sa kgone ho tswa, a fumane motho e mong ho tshwara borakefese ba Borakgwebo.”

<sup>115</sup> Mme hodimo hodim'a thaba tsa-tsing leo, ka re, “Jwale, ha pula ya pele e qalella ho na, kapa ntho e nngwe, le mathele diahelong.” Ka re, “Metsotsong e leshome kapa e leshome le metso e mehlano ha o kgone ho bona matsoho a hao ka pel'a hao, se seng sa difefo tseo tsa lehlwa, mme se qhala lehlwa la maoto a mashome a mabedi ka nakwana feela, hodim'a thaba.”

<sup>116</sup> Mme ke ka moo batho, le badile dipampiring, ka moo ba dulang motsheo mono mme ba timele, le ntho e nngwe le e nngwe. Empa re ne re tseba mokgwa wa ho tswa, ba bile ba tseba moo re neng re le teng, mme ka hona ra ikutlwa re etellwapele ho sala.

<sup>117</sup> Mme ka baka leo hodima thaba, ha sefefo seo sa lehlwa se qala, ka qalella ho theoha. Mme nka ba bohole ba halofo ya maele ho tloha moo ke qadileng, yaba Lentswe la Modimo le re, “Kgutlela morao.”

<sup>118</sup> Mme ka kgutla ka moo A mpoleletseng kateng, hoba ke eme nakwana mme ke ja sementjhisi eo David a mphileng yona, yaba ke kgutlela morao ke dula fatshe.

<sup>119</sup> Mme yare ke sa dutse mono, mme moyo oo o sotheha o foka, dihloro tsa difate di sekamela ka kwana, mme serame le lehlwa di fofa jwalo, Lentswe la re, “Ke nna Modimo wa hloleho.”

<sup>120</sup> Ka sheba hodimo, mme ka nahana, “Le ne le tswa kae? Mohlomong, e ne e le moyo.”

<sup>121</sup> A re, “Ke hlotse mahodimo le lefatshe. Ka kgutsisa meya e matla hodima mawatle,” la nna la bua jwalo.

Ka qhoma ka rola katiba ya ka.

<sup>122</sup> Yaba O re, “Bua le sefefo feela, mme se tla kgutsa. Sohle seo o se buang, ke sona se tla etsahala.”

<sup>123</sup> Mme ka re, “Sefefo, kgutsa. Mme, wena letsatsi, o tjhabé matsatsi a mane ka mokgwa wa tlwaelo, ho fihlela re tswa mona.”

<sup>124</sup> Mme ke sa tswa rialo, maphaketsana, lehlwa le ntho e nngwe le e nngwe tsa thola. Motsotsong kapa e mmedi, keha letsatsi le tjhesang le tjhabela mokokotlong wa ka. Ka bona meya e pheuleha *tjena*, e tswa Leboya, e theoha...Ke bolela hore e tswa Botjhabela, e tswa Botjhabela. Se ne se tswa Bophirimela; meya ya fetoha mme ya hlaha ka *mona*. Mme maru, eka mohlolo, a nyolohela sebakeng, mme metsotsong e mmalwa keha letsatsi le tjhabile.

<sup>125</sup> Yaba Morena Jesu o bua le nna hamorao, ka le mosadi wa ka morao mane, jwale ka ha le tseba, mohlomong moo ke ne ke ile teng hodimo mono. Ha ke eso be lapeng ka letsatsi la sehopotso, mme e se e le dilemo tse mashome a mabedi le metso e mmedi re nyalane. Sehopotsong sa pele, sa pele, lenyalong la rona, kgele, ka na ka mo isa leetong la ho tsoma. Hobane, ke ne ke sa kgone ho kena leetong la ho tsoma, le—le—le ho kena tsatsing la banyalani, hape, ka baka leo ka—ka di kopanya mmoho. Mme ka hona, ha ho le jwalo, mme e sa le ke tsoma ho tloha mohlang oo. Ka utlwa ke kamoo ke ileng ka mo tshwara kateng.

Jwale, moo e le kgetlo la bone e etsahala.

<sup>126</sup> Jwale ntho e nngwe ke ena eo ke—ke batlang ho e bua, mme ke tshwanetse ho bua nnete hantle. Ke ne ke le California dilemong tse leshome le metso e tsheletseng tse fetileng mmoho le Moena John Sharrit, mme ke tshwere kopano. Mme nna le Meda, le Moena Sharrit le Kgaitsemi Sharrit, le bao, ra dula hoteleng. Mme monna ya bitswang Paul Melikian, ya kileng a ema ka hara Tabernakele ena makgetlo a mangata; ke mo-Armenian ya ruileng. Mme mosadi wa hae a ile a ba le ngwana hodimo Fresno, California, moo ba na ba dula teng; mme ba theohile, ho tlisa mosadi wa hae, mme a ntsetsa hoteleng, mme a re, “Na nka tlisa mosadi wa ka, Moena Branham?”

Ka re, “E, o ka mo tlisa.” Tsatsi le hlahlamang, ke ne ke ya Catalina.

<sup>127</sup> Ka baka leo a tlisa mosadi wa hae, mme mofumahadi eo a kula hona! Mme a sheba...Ka re, “Bea letsoho la hao hodima la ka, Kgaitsemi Melikian,” ka re, “re tla bona ha eba Morena a re bolella.” Mme hang feela ha a bea matsoho a hae hodima ka, ka re, “Oh, ke borurusi ba leoto.”

A re, “Matshwao ha a bonahale ho nna.”

<sup>128</sup> Ka re, “O shebe.” Matsatsing a mabedi, keha ba mo alafela borurusi ba leoto.

<sup>129</sup> Jwaleka Jimmy Poole e monyenyan, lesea la hae. A kena tsatsi le leng ka lefu leo la pelo, ba hopola, mme e ne e le lefu la asma. Yaba ke bea matsoho a ka hodima hae. Ka re, “Mmee leihlo matsatsi a mmalwa; o tshwerwe ke maselese. O tswela ka ntle. Ke feberu.” Ke kopane le yena bosiu bo fetileng. O re o tshwerwe, hohle, ke maselese. Le a bona?

<sup>130</sup> Jwale, ke ne ke qoqa le Kgaitseki Melikian, ka letsoho. O ile a re, “Ke ntho e makatsang eo, ho e shebella, Moena Branham.” A re, “Na e sebetsa letsohong le leng le le leng?”

<sup>131</sup> Ka re, “Be, ha ho ena le ho phoso ka mokudi.” Ka re, “Jwale sheba mona, ke tla bea letsoho la ka,” bongata ba lona bo nnile ba ema ba e tadima, mme ha e a ka ya etsa letho. Ka re, “Sheba mona, ha ho letho le phoso ka mosadi wa ka, ka bea letsoho la hae . . .”

<sup>132</sup> “Sheba mona, moratuwa, bea letsoho la hao hodima la ka.” O dutse mono, mosadi wa ka. A bea letsoho la hae hodima la ka. Mme hang feela ha ho etswa, ka re, “O na le *hlahala* popelong e tshehadi. O na le bothata ba bosadi.”

Yaba o re, “Ha ke ikutlwé ke fapané.”

<sup>133</sup> Ka re, “Empa o na le yona.” Becky a le dilemo tse pedi. Moradi wa ka ya na ntsa bapala, nakwaneng e fetileng, a le dilemo tse pedi.

<sup>134</sup> Dilemong tse ding hape tse pedi, ha fihla Sara, mme ha . . . A hlahile ka *ho sehwa*. Mme ka kopa Ngaka Dillman, ngaka ya rona tlase tlase kwana-kwana Corydon, ho, “Ha o mo seha, o shebe popelo e ka ho le letshehadi,” yaba o etsa jwalo.

A re, “Ha ho le phoso, leo ke le boneng.” Ka bea letsoho la ka; e sa ntse e le teng.

<sup>135</sup> Dilemo tse nne hamorao ha fihla Joseph. Ka mo kopa ho sheba hape. “Ha ho le phoso, kamoo ke boneng.” Ho bea letsoho la ka; e sa ntse e le teng. Ka baka leo ra lebala ka yona feela.

<sup>136</sup> Jwale ke ena ntho eo ke lokelang ho e bua. Ha ke rate ho e bua, empa e tlamehile ho etsa nnete, le a bona, mme ke seo le se batlang. Bua nnete kamehla, ho sa tsottelehe ho etsahalang.

Dilemo tsa feta, re sa e hlokomele ho hang.

<sup>137</sup> Mme ke bua sena, e se kahobane a dutse mono, hoba ke se bua leha a le siyo. Mme le tseba seo. Ha ke dumele ho ka ba le mosadi ya kgabane ho feta mosadi wa ka lefatsheng, mme kea kgolwa o tla dula a le jwalo. Ke batla ho ba monna ya tshephahalang, mme kea tshepa mohlanka e mong le e mong ka mohahong ona, ha a nyala, a ka fumana mosadi ya tshwanang le mosadi wa ka. Ha ke tsebe re tla phela nako e kae ka tsela eo, empa ke kgolwa e tla ba bophelo ba rona bohole lefatsheng. Esale re thabile mmoho. Modimo ke yena ya ntaetseng ho mo nyala.

<sup>138</sup> Nakong yona eo, o ne a sa tsebe, ke ne ke leka ho se mo nyale; e se ka hoba ke ne ke sa mo rate, empa hoba ke ne ke nahana ke hloka bokgoni ba ho mo phedisa. Mme e ne e le mosadi ya kgabane, mme ke sa lokelwe ke hono.

<sup>139</sup> Yaba o tswela ka ntle ho ya rapela, mme a phetla Bibele. Mme ke a kgolwa....A re, “Morena, ha ke eso etse taba ena pele, empa mphe Lengolo le tla nthusa. Ha eba ke loketse ho mo lebala, ke lokela ho e lebala.” Ho phetla Bibele....

<sup>140</sup> Yaba o tswela mokgorwaneng ho ya rapela. Mme eitse ha a phetla Bibele, “Malakia 4. Bonang, Ke le romella moporofeta Elia pele ho....” Moo e le—moo e le dilemo tse ka bang mashome a mabedi le ho hong tse fetileng, ho sa tsebjwe letho ka tshebeletso ya letsatsi lena. Mme ke ne ke....ho ke ke ha ba jwalo....

<sup>141</sup> Ke ne ke paqame tlase nokeng mono. Mme A ntsosa—a ntsosa, bosiu bo bong, mme ka Mo utlwa a eme pela monyako mono. A re, “Mo late, mme lenyalo la hao le tla ba ka Mphalane enwa ya latelang, ka la mashome a mabedi le metso e meraro.” Mme ke seo ke ileng ka se etsa hantle. Mme re phetse ka thabo. Ka mohau wa Modimo, ha re eso fapanie le ka lentswe le le leng. E sa le e le moratuwa.

<sup>142</sup> Ka tsatsi le leng ka kena. Mme a loketse ho hodisa bana bana a le mong; nna ke kene masimong. Ha se basadi ba bangata ba ka mamellang ntho eo; le tseba seo, ba ka imelwa. Yaba kea kena, mme a bua ntho ena kapa yane. Re na le Joseph morao mane, mme o a....Ehlile ke moshanyana bo! Mme o thusitse ho hlahisa meriri e meng e meputswa hlohon ya mm’ae, jwale kaha le nna ke entse. Ka baka leo ehlile e le moshanyana, mme o na entse ntho e nngwe e mpe haholo. Mme ka re ho yena....A re ho nna, “Bill, ako mo nathe.”

Ka re, “Ha ke na sebete seo.” Le a bona?

<sup>143</sup> Mme a re, “E, hoja e le wena ya loketseng ho e mamella,” mme a kgahlela lemati hantle ka pela sefahleho sa ka.

<sup>144</sup> “Be,” ka nahana, “ho itoketse. Mothwana eo wa batho o ne a sa ikemisetsa seo.”

<sup>145</sup> Ka tswela ka ntle feela ho hlatswa koloi ya ka. Eitse ha ke fihla ka ntle mono, Moya o Halalelang o sa ka wa e rata; A re, “Mmolelle,” kea kgolwa ke Dikronike tsa Bobedi, kgaolo ya 22. Ha kea ka ka etsa letho. Ka nahana, pele, ke mpile ka nahana jwalo. Ka nna ka tswelapele ho hlatswa. Mme La e pheta hape, “Mmolelle ho bala sena.”

<sup>146</sup> Ka kena kahare ka nka Bibele, mme ka e bala. E le moo Mo....kapa Meriama, moporofeta wa mosadi, a sommeng khaitsei ya hae, Moshe, ka ho nyala ngwanana wa Moethopia, mme Modimo a se ke a e rata. Mme A re, “Ho ka ba molemo hola ntat’ae a mo tshwela sefahleho, ho ena—ho ena le—le ho etsa jwalo.”

<sup>147</sup> Ka baka leo, Meriama a tshwarwa ke lepera, hohle. Mme ha nto tla Aarone, a re ho khaitsei ya hae, ho re....kapa a tla bolella moholwana wa hae, ho re, “Lepera, le a mmolaya.”

<sup>148</sup> Mme ha ho le jwalo Moshe a matha ho ya mmuella, aletareng. Mme ha a entse jwalo, Topallo ya Mollo ya theoha, Modimo. A re, “Ya bitsa yena le Aarone, mme o ba tlise mona.” Mme le Aarone a kene ho yona, le yena. Ka baka leo A re, “Ba bitse le be le tle kwano.”

<sup>149</sup> A re, “Ha motho a le teng hara lona,” Modimo o bua le bona jwale, “e leng motho wa moya, kapa moporofeta, Nna Morena ke tla Itsebisa yena. Ke tla bua le yena ka dipono, le ho Itshenolela yena ka ditoro, le—le ho senola ditoro, le dintho tse jwalo.” A re, “Empa mohlanka wa Ka, Moshe, ha ho ya jwale ka yena naheng.” A re, “Ke bua le yena ho tloha molomong ho ya tsebeng.” A re, “Ha lea ka la tshaba Modimo keng?” Le a bona, Modimo a se ke a e rata.

<sup>150</sup> Be, ha ke bona seo, ka mathela ka hare. Mme o ne a le ka phaposing e nngwe. Ka kokota monyako. A ile a ikwalla. Mme ka mmolella ha ke batla ho bua le yena. Mme ka kena ka mono ka buisana le yena, ho leka ho mmolella seo e neng e le sona. Ka re, “Moratuwa, o tseba kamoo ke o ratang, empa Modimo ha o a e rata. O ne o sa lokela ho rialo.” Hang ka morao ho moo, a hlaselwa ke bothata lehlakoreng la hae.

<sup>151</sup> Ra mo isa ngakeng mona Louisville, Ngaka Arthur Schoen, mme a fumana lethopa popelong e tshehadi, leo ke le fumaneng dilemo tse leshome le metso e mehlano kapa tse leshome le metso e tsheleteng pele ho moo. “Lethopa le hodima popelo e tshehadi, le lekana le *walnut*.”

Ka re, “O reng ka lona, ngaka?”

<sup>152</sup> A re, “A re boneng se etsahalang. Mo tlise hape nakong ya dikgwedi tse mmalwa, dikgwedi tse ka bang pedi kapa ntho e nngwe.”

<sup>153</sup> Ra mo kgutlisa. Le ne le hodile, ho tloha ho *walnut* ho fihlela le lekana le lemone. Ho re, “Le mpe le nntshuwe; ha le ka tshoha le nolofala mme le pherehlan.”

<sup>154</sup> Mme ka re, “Be, banna,” ka re, “re—re ya Tucson. Morena o nthomile Tucson.”

<sup>155</sup> A mo isa sepeshelising sa mosadi; a sa e batle matsohong a hae. Ha ho le jwalo mohlomong a mmolella ka tshebeletso ya ka, hoba o... Sepeshelisi seo sa mosadi sa re, “E tla tlameha ho tswa.” Ka hona a re... Ra bolella monna re ya—ya Tucson. A re, “Be, ke na le sepeshelisi mono, motswalle wa ka e moholo. Nkile ka dula Tucson.” A re, “Ke tla o romela ho yena.”

<sup>156</sup> Ha ho le jwalo a ngola lengolonyana a mo romella lona, a ba a re, “Mof. Branham ke mofumahadi ya kgabane,” a ba a tswelapele jwalo. Ho re... Mo romelle setshwantsho sa boholo ba lethopa, le dintho tse jwalo. E se e fetohile lethopa lekgatheng leo; le ho bolela boholo ba lona. Le ho re, “Ke a

tseba . . ." Le a tseba, o ne a tseba hore o . . . ke kgolwa a ile a nahana, a mpitsa "mofodisi wa Kgalalelo." E le phetho mokgwa oo a tsebileng ho e beha kateng. Empa ho re, "Ke dumetse hore—hore le ka tswa, ebole le tlamehile jwalo. Ha eba le tlameha ho ntshwa, le ntshe."

<sup>157</sup> Empa le ne le leka tumelo ya rona. Mme ra rapela re sa phetse. Mme ha re eketsa ho rapela, lethopa la nna la eketsa ho hola, la ba la fihla moo le tomolohang lephakong la hae. Ra le tholela; batho ba mmalwa mona ba ne ba e tseba; ho leka ho sheba se neng se tla etsahala. La nna la tswella le bile le tswella.

Qetellong, ha ke tswa tlase Canada, ho tswa moo ke tlöhileng . . .

<sup>158</sup> Morena o ile a ntumella ho tataisetsa morabe oo wa ma-India ho Kreste. Ke tla ba kolobetsa, ka Lebitso la Morena Jesu, sehleng sena sa Selemo, ha Morena a ratile.

<sup>159</sup> Jwale, ho theoheng, mme e ne e se e le nako ya ho tsamaya ha hae, ha ke ne ke le New York . . . kapa tlase mona ho etswa e nngwe opore- . . . ho etswa oporeishene, kapa ho hlahlojwa kgetlo la ho qetela. Ka tswelapele ho ya New York. Mme ha ke kgutla, ka emisa mona, mme ka nyoloha . . . Ka mora ho tshwara kopano mona, kopano ya ho qetela, ka nyolohela mono mme ka mo letsetsa ho tswa ha Moena Wood.

<sup>160</sup> Mme a re, "Bill, ha ke kgone ho mamella leha le angwa ke diaparo tsa ka." Le tomolohile le dutse ka mokgwa *wona* feela lephakong la hae kgatheng leo. Mme leoto la hae le ka lehlakoreng leo, a kgona feela ho le hulanya, mme e le veke e mpe ka ho fetisia eo a kileng a ba le yona. Jwale o dutse mono, o mmamets'e. Veke e mpe ka ho fetisia a kileng a ba le yona. Mme a re, "Ke loketse ho tsamaya, letsatsi le hlahlamang la hosasa, hlahllobong eo."

<sup>161</sup> Ka nahana, "Oho Modimo, ha ba le seha ba le ntsha, ho tla re thibela ho kgutlela hae ka Keresemose, mme ke se ke boleletse batho ke tla fihla mono." Mme ka re, "Nako e kakang! Kgele, banna!" Ka nahana.

<sup>162</sup> "Mmolelle, ha eba a il'o seha, be, 'E ke e lelefatswe, ho fihlela ka morao ho Keresemose.'"

<sup>163</sup> Yaba ke qala ke nahana, "Le ka nna la pherehlana." Le ho kgutlela *mona*, o a tseba, ke ntho e tshabehang, ho matha le kgutlela ka hara diphiyo. Ha le ka toba, la pherehlana, le tla o bolaya. Ha ho le jwalo ka nahana, "Nka etsang?"

Yaba Meda o re, "Be, jwale, o tlo o ntetsetse," ho rialo.

<sup>164</sup> Tsatsing leo ke fihlang Shreveport ka lona, e leng letsatsi ka morao ho moo, ha ke fihla Shreveport, o ne a loketse ho ya hlahlojwa. Mme ha ho le jwalo a ya . . . Mof. Norman o ne a tla ya, Kgaitsedi Norman; kaofela le a mo tseba, batho ba kenang

Tabernakeleng mona. A tla tsamaya le yena, le ho ya ngakeng e ikgethileng ena. Mme ka baka leo a re, "Ema ho fihlela bosiu ba hao ba pele, mane—mane... o nto kgutla." Hoba, phapang, ke dihora tse pedi nakong. "Ebe o a ntetsetsa ha o kgutla, ka morao ho kopano, ke tla o bolella seo ke lokelang ho se etsa."

Mme ka re, "Ho lokile." Ka baka leo, ka tswelapele.

<sup>165</sup> Mme hoseng ho latelang, pele ke tloha, ke ne ke tla lata Billy le Loyce. Bobedi ba sa ntse ba le teng. Mme kamehla...

<sup>166</sup> Re na le setulo sa kgale mono seo Moena Palmer a re kwaheletseng sona, ha se kgale haholo, mme kamehla re pota setulo seo re a rapela, nako le nako ha re... Kgele, Ottoman, se kang sona, le a tseba, setulo sa maoto. Nako le nako ha re fihla mono re a rapela, ha ke ya kopanong, re kopa Modimo ho re thusa.

<sup>167</sup> Mme ka hlola matsatsi a mmalwa, hodimo mono, mme ke—ke hlorile. Ntlo; bana ba le siyo, le yena a le siyo. Le a tseba, bongata ba lona bo a tseba ke ile ka lokela ho feta moo ka tsatsi le leng, ho kgutlela tlung e se nang batho; feela, ka pata mosadi eo, Hope. Mme jwale ke yona hape-hape. Mme ka kgumama, ka nahana, "Be, ke tla rapela ke nto ya lata Billy le Loyce, le ho tsamaya."

<sup>168</sup> Ka baka leo ka kgumama fatshe ka rapela, ka re, "Morena, ke ba hlolohetse hoseng hona, tulong ena." Ka re, "Ke rapela hore O tle o ba thuse le ho ba hlohonolofatsa. Re ke re kgutlele sebakeng sena hape. Mme jwale," ka re, "ba mono ka hoba O nthometse mono ka pono, mme O e phethile. Jwale ke batla ho ema, ho bona seo O batlang ke se etse kgetlo le latelang." Ka re, "Ke rapella... Mo hauhele." Mme ka re, "Nthuse kopanong tlase mono." Mme ka nna ka... Ka re, "Morena, o se le dumelle ho pherehlana. Le ho dumella ngaka eo ho ema ho fihlela ka morao ho la pele la selemo, ho le ntsha. Ha ke—ke batle ho mmona..."

<sup>169</sup> Ka re, "Morena, o ne a sa ikemisetsa ho etsa seo a se entseng hoseng hoo. O ne a sa ikemisetsa sona." Ka re, "Morena, ha ho le kgetlo le le leng moo a kileng a bua lenseswe mabapi le ho ya ha ka dikopanong, ho qeta dikgwedi, kapa seo e neng e ka ba sona feela. Ha ho mohla a kileng a bua molomo wa hae ka yona. Ha e sa le a isa diaparo tsa ka bahlatswing, le ho hlatswa dihempe tsa ka, le ho hlopha ntho e nngwe le e nngwe ho ya kopanong. Jwale, o a ipotsa hore a ka sebeletsa Modimo jwang."

<sup>170</sup> Lona basadi, ha le sebeletsa banna ba lona, le sebeletsa Modimo, ehlide.

<sup>171</sup> "Mme jwale, mme ha ke kena, ke kgathetse ke bile ke fedile, batho ba tle ba tswa ka makgalo wohle. Ke lokele ho ya sebakeng se seng leetong la ho tshwasa dihlapi, kapa

letsholong la ho tsoma. Kgele, basadi ba bangata ba ne ba tla phatlolwa ke taba eo. O ne a etsang? A lokise diaparo tsa ka tsa ho ya tsoma ke tle ke tsamaye; a ntumelle ho tsamaya.” Ka re, “Morena, o ne a sa ikemisetsa hona.” Mme ka re, “O ile a tlameha ho sehma hararo ka hoba e ne e le mosesarene.” Mme ka re ka... “Morena, ha ke—ke batle ho mmona a tlamehile ho e etsa hape.”

<sup>172</sup> Mme nakong yona eo ka utlwa ntho e nngwe ka phaposing. Ka sheba hodimo. Mme Lentswe la re, “Ema.” Ho re, “Jwale sohle seo o se buang, se tla etswa ka mokgwa oo.”

<sup>173</sup> Ka ema motsotso feela. Ka re, “Le pele letsoho la ngaka le mo thetsa, letsoho la Modimo le tla tlosa lethopa, mme le ho fumanwa le ke ke la fumanwa.”

<sup>174</sup> Yaba ho fedile, ho nna. Ha kea ka ka mo letsetsa. Re ile raa tloha ra tsamaya, ho tloha le ho nka Billy le Loyce, le ho ya Shreveport.

<sup>175</sup> Ka mo letsetsa bosiu bo hlahlamang. O ne a thabile. A re, “Bill, ke batla ho o bolella!”

<sup>176</sup> Jwale ke enwa moo a leng teng, a ka tiisa taba ena. O ne a loketse ho ya mono a hulana; a kena ka phaposing le mooki le Mof. Norman, le ho apara diaparo tsa hae bakeng sa... gawono, bakeng sa hlahlolo. Ngaka e ile ya tswa, mme a batla a sa kgone le ho hwella tafoleng; lethopa le leketlile hodimo mono, le le leholo hakana. Mme eitseha a... Ngaka e ile ya kena mme e ntse e qoqa le yena. Mme ya fihla, ho phahamisa lakane ho mo thetsa, mme, le pele e mo thetsa, la nyamela.

<sup>177</sup> Mme ngaka e sa tsebe le ne le le ka lehlakoreng lefe. A re, “Be butle!” Ka didiagramo tse takilweng le ditshwantsho tsohle, le ntho e nngwe le e nngwe, a sa fumane le mohlala o le mong wa lona. A mo hlahloba, hape le hape. A re, “Mohlomong nka sitwa ho hhalosa sena, empa, Mof. Branham, lethopa leo ha le yo mono.” Mme ha ho eso be le letshwao la lona, ho tloha mohlang oo.

<sup>178</sup> Ke eng? Lemohang, hantle feela ka moo E buileng, “Le pele letsoho la ngaka le e ama.” Ka motsotsvana, mme letsoho la hae le ka be le e amile. Lentswe la Morena le phethahetse ha kakang!

<sup>179</sup> Jwale, mosadi wa ka ke eo, mme bobedi re eme ka pela Modimo. Empa le pele letsoho la ngaka le ka ama mmele wa hae, tseleng a etla ho yena ka mokgwa oo, ntho e nngwe ya etsahala, lethopa la nyamela. Mme ba sa kgone, a—a re... Kea kgolwa e ne e le yona, ha ke re, moratuwa? “Ke batla ho le kgodisa hape, Mof. Branham,” (Ke nnete, ka moo a e buileng kateng? Ke hantle.) “hore lethopa leo ha le sa le yo. Ha o sa na lethopa ho hang.”

<sup>180</sup> Ke eng? Hantle feela ho latela Lentswe la Morena, e ne e le....?....Amen. Ke kgetlo la bohlano leo. Hlano ke palo ya mohau, ke palo ya f-a-i-t-h [t-u-m-e-l-o—Moft.], hape.

<sup>181</sup> Pelaelo ha e sa le yo kelellong ya ka. Ke tseba seo Kgulo ya Boraro e leng sona, mme ke tseba seo e se etsang. Jwale e bang le tshabo, le thole feela, hora eo Modimo a tla re etsetsa dintho tse kgolo e tla fihla kapele.

Jwale ha re inamiseng dihloho tsa rona lentsweng la thapelo.

<sup>182</sup> Morena Jesu, ke e bone hodima batho, empa ha e ne e tlela mosadi wa ka ya ratehang, e ne e le lapeng la ka, jwale, Morena. Ke e bone ka mahlo a ka a mabedi, ka e phopholetsat ka matsoho a ka. Mme ke...fif...dilemo tse leshome le metso e tsheletseng pele ho moo, e ile ya tsebiswa, Morena, mme ya senolwa ke Wena. Ha ntho e bolelwa, e tshwanetse ho etswa. O ne o mpontsha, Morena, jwale, hore, tshepo ya ka hodima seo O se etseditseng batho, le ho ntsebisa, ke tle ke thusa ba. O e entse ka lapeng la ka. E ne e le Kgulo ya Pele. Mme jwale Kgulo ya Boraro e thasiseditse Kgulo ya Pele.

<sup>183</sup> Re tletse teboho, Ntate. O re tshwarele dikgaello tsa rona. Re bathwana feela. Ha rea ruteha, bonnyane, batho ba sa balang. Empa re tletse teboho ha re ena le Modimo ya matlawohle Ya re hlokamelang le ho re baballa, hoba ha re kgone ho ipaballa. Re inehela ho Wena.

<sup>184</sup> Jwale, Ntate, ke rapela hore O tle o nthuse. Mme Kgulong ena ya Boraro, oho Morena, ho be jwalo, jwalo ka ha O buile ka yona dilemong tse mmalwa tse fetileng, ho e bontsha hodima...matshwao hodima dithaba, le jwalo, le ho e hlahisa. Jwale, ke ne ke shebile ho bona seo e neng e le sona ho fihlela e pakwa ka botlalo. Jwale kea rapela, Ntate, O tle o nthuse ho hlompa ntho ena, ho feta, ho feta ka moo ho bileng kateng pele, mme O ke o inkele tlrtliso. Jwale ka ha, hantle hodima sefala sena, moo ya Pele e boletseng teng, ya Bobedi, mme jwale ya Boraro, mme seo O se buileng se etsahetse hantle ka moo O boletseng kateng. Re a O dumela, Morena Modimo.

<sup>185</sup> Thusa e mong le e mong wa rona ho lahlela ho se dumele ha rona le ditumelo-kgwela hole, re tle re eme ka pela Sefahleho sa Modimo o phelang, re tseba hobane, yena Modimo ya tlositseng lethopa leo ho mosadi wa ka ya dutseng mona hona jwale; ho netefatswa ke bo bong ba bongaka bo phahameng ka ho fetisisa ba meriana re bo fumanang naheng, ya le hlahlobileng, a ntoo le sheba, a ba a le nka setshwantsho; mme jwale le nyametse. O Modimo mme ha ho e mong ka ntle ho Wena.

<sup>186</sup> Mme rea O rata kahobane O re—O re dumelsetse ho ba bahlanka ba Hao. Mme re ke re O sebeletse ka tshabo le hlompho, ka matsatsi wohle a ho phela ha rona. Fana ka sena, Morena. Nke ke kgone, hammoho le lelapa la ka, le batho

bana bohole, re kgone ho ba Masedi a kgantshang, letsawai le nang le tatso le tla cul—...hlahisa lenyora ho ba bang, ho rata Jesu enwa ya re etseditseeng tse ngata hakana.

<sup>187</sup> Jwale ere ke sa phetla Lentswe, ho Le bala e tle e be mohlodithero o monyenyan, ho ntso rapellwa bakudi, nthuse, Morena. Bua le rona, le ho fodisa bakudi, ka Lebitso la Jesu rea rapela. Amen.

<sup>188</sup> Na le ka kgona, na ke na le nakwana ya... [Phutheho e re, "Amen."—Mong.] Ha nka potlaka haholo ka...mohlodithero o itseng mona, ke batla le bale jwale, kapa ho tshwaya, kapa eng feela eo le batlang ho e etsa. La pele le fumanwa Bukeng ya Numere, 21:5-19, mme re batla ho—ho bala sena.

*Mme batho ba bua hampe ka Modimo, le Moshe ba re, Na ke ka baka la'ng ha le re nyoletsse Egepetra hore re tl'o shwela lefelleleng na? hobane mona ha ho bohobe, ha ho metsi, mme dipelo tsa rona di tennwe ke bohobe bona bo sa tsebisahaleng, dijo tsa Maneloi.*

*Yaba JEHOVA o romela setjhaba dinoha tse tjhesang, tsa loma batho; mme ha eshwa batho ba bangata Israeleng. Jwale Morena...*

*Jwale setjhaba sa tla ho Moshe, sa re, . . .*

<sup>189</sup> Maipolelo! Elang hloko, "Re sitilwe!" Le a bona, ke ntho ya pele phodisong, maipolelo pele.

*...Re sitilwe, hobane re buile hampe ka JEHOVA, le ka uena; rapela JEHOVA, hore a tle a tlose dinoha tsena ho rona. Moshe a rapella setjhaba.*

*Yaba JEHOVA o re ho Moshe, Etsa noha e tjhesang, o e fanyeha sefateng: hoo e mong le e mong ya tla, e mong le e mong ya lomilweng, ya tlang ho e tadima, o tla phela.*

*Moshe a etsa noha ka koporo, a e fanyeha sefateng, mme e mong le e mong, ya lomilweng ke noha, ha a tadima noha ya koporo, o na a phela.*

<sup>190</sup> Jwale, hape, ke lakatsa ho bala Lengolo ho Zakaria, kgaolo ya 12, temana ya 10.

*Ke tla tshela moywa mohau le moywa merapelo hodima ntlo ya Davida, le hodima baahi ba Jerusalema, mme ba tla tadima ho nna eo ba mo hlabileng: ba tla mo llela, jwale ka ha ho llelwa mora ya tswetsweng a nnotshi, ba hlomohe habohloko hodim'a hae, jwalo ka ha ho hlomohuwa hodim'a mora wa letsibolo.*

<sup>191</sup> Jwale bakeng sa sehloho, ke tla nka hona: *Tadimang Ho Jesu*. Tlosang mahlo a lona lefatsheng, le tadime ho Jesu. Moshe o na a etse noha; mme mona moporofeta, hamorao, o ne a bua ka yona, se neng se tla etsahala, ho tadima ho—ho Jesu.

<sup>192</sup> Bibele e buile, ho Esaia 45:22. Re fumana Modimo a itse, “Le tadime ho Nna, lona dipheletso tsa lefatshe.” Mme jwale mohla lefatshe le se le fihlide pheletsong ya lona, kapa tsamaiso ya lefatshe e fihlide dipheletsong tsa yona, batho ba ke ba tadime ho Yena.

<sup>193</sup> Jwale le ka re, “Re utlwile hona, moloko ka morao ho moloko. Re utlwile hona ka nako e telele.” Ke nnete, mme e rerilwe ka nako e telele. Bareri ba bangata ba nnile ba nka sehloho sena, dikete tsa bona.

<sup>194</sup> Empa ntho eo ke batlang ho le botsa yona ke ena, bosiung bona, metsotsong ena e mmalwa e latelang. Empa ha o tadima, potso ke—ke ena, o bonang ha o tadima? O bonang ha o tadima? Hoo ho itshetlehile ho seo o se tadimileng. O a bona? Jwale O itse, “Tadimang ho Nna, lona dipheletso tsa lefatshe.” Moshe o na a fanyehe noha, mme, mang le mang ya na a tadima, o ne a phela. Jwale, ho itshetlehile ho seo o se tadimileng.

<sup>195</sup> Ke bone batho ba kena ka hara dikopano, tsatsing lena la ho qetela, ba kgone ho dula ka hara tshebeletso motsotso o le mong kapa e mmedi. Ke phetho seo ba kgonneng ho se mamella. Le a bona, ba ne ba sa kgone ho e mamella.

<sup>196</sup> Nke ke ka lebala, ke tshepa taba ena e sa kobise motho ofe feela ya tswang Iowa, mohla ke ne ke tshwere kopano Waterloo.

<sup>197</sup> Moena Lee Vayle, o ne a le teng hoseng hona. Ha ke tsebe o teng mona bosiung bona kapa tjhe. Na o teng, Lee? O na a le teng hoseng hona. E, morao kwana ka kgatisong, morao mona. Ho lokile.

<sup>198</sup> Nna le Moena Lee re ile ra etsa hohle hoo re ho kgonang. Le ho etsetsa lekgotla la bareri borakefese, ho sa lefshwe, ho ka tla feela le ho qoqa le bona. Moena Lee Vayle, ehlile, ke moithuti le—le Ngaka ya Kgalalelo, ruri o sebeleditse digarata tsa hae. Mme ka leka hore a bue ka pela Maluthere ana, Mapresbyterian, le jwalo-jwalo, empa a re, “Tjhe, ba shebeletse wena ho e etsa.”

<sup>199</sup> Be, ka theoha mme ka qotsa theroy ka, ka pela bareri bana, hoba bohole ba qete ho ja. Ka qotsa theroy ka: *Ha Ke a Ka Ka Hana Pono Ya Lehodimo*. Ke eso qete le ho bala Lengolo, ba babedi ba sheba, ba tswa monyako. Ka hona ka qala ka re, “Jwaloka Pauluse tsatsing la hae, ka molaetsa o ilehang, mme jwale o eme ka pela Agrippa mme o re ha a ka a e hanelo,” ha boela ha ema ba ka bang ba babedi kapa ba bararo. Mme ha ke batla ke fihla moo nka buang letho ka sehloho, keha ho dutse ba ka bang babedi kapa bararo mono. Keha bohole ba eme ba tswile.

<sup>200</sup> Lebaka la yona, ke, ke lena. Ba bang ba tla kopanong, ha ba utlwa ka moevangedi, mokgwa oo a aparang ka wona o etsa ho hong bathong. Ha a sa apare diaparo tsa mofuta o loketseng, ba bang ba bona....

<sup>201</sup> Ke utlwile e—e setsebi se seng sa boitshwaro ba batho se bua, tsatsi le leng; Ngaka Narramore, monna ya kgabane, monna wa Mokreste, lenaneo la hae le hlaha ho KAIR mono, ka dinako tsohle. O ile a re, “Mokgwa wa ho bolela ha motho a tla hlanya, keha a sa apare ho latela semelo sa hae.” Le a tseba, ka moo a lokelang ho itlhahisa pela batho, e ne e le pontsho ya hoba o se a tla hlanya.

<sup>202</sup> Be, ha ho le jwalo, e sa le ke hlanya bophelo ba ka bohole, le a bona, kahobane ke apara diofarolo le ntho e nngwe le e nngwe, le a bona. Ka baka leo, ho tsamelana le maemo a ka, ke tshwanela ho apara jwalo ka moruti, ka mantswe a mang, ho—ho ba moruti.

<sup>203</sup> Ha ke kgolwe Jesu o ne a apara jwalo ka moruti. O ne a apara jwalo ka batho ba tlase. O ne a kena hara batho, mme moaparo e ne e se letho.

<sup>204</sup> Empa e le feela, le a bona, ka moo mehopolo ya motho. Ha e... Ho ka thweng ha eba monna enwa, kapa, kea ipotsa ngaka eo e ne e tla nahang ka hona, ha ho ile ha laelwa moporofeta ka hara Bibele ho hlobola diaparo tsa hae le ho tsamaya ka pela batho a le feela? Ruri a ka be a hlanya, ha ke re? Empa Modimo wa mo laela ho etsa hoo.

<sup>205</sup> E mong a lokela ho paqama ka lehlakore la hae makgolo a mararo le mashome a mane... Dikgwedi, kea kgolwa e ne e le tsona, a robetse ka lehlakore lena, lehlakore le leng; a ntoo fetohela lehlakoreng le leng. Mme a ja dithollo tsa peo ts'a na di phehile mono di tletse pitsa; mme a loketse ho ya bedisa moapeho ona, hammoho, le ho o ja ka dinako tsohle; a ise letsoho a ngwathe a je, a robetse ka lehlakore la hae, e le pontsho. Le a bona?

<sup>206</sup> Kgele, batho ba ka ya hole ha kakang, ruri, le Lentswe la Modimo. Ba ruteha hoo ba ithutelang hole le Modimo. Ha motho a bua ka thuto a nang le yona, kea tseba o kgelohile ha kaalo ho Modimo; le a bona, digarata tsa bongaka. Ha ke bue letho kgahlano le Ngaka Vayle, hoba ha se mofuta oo. Empa, ka tlwaelo, ha motho a fumana digarata tsa bongaka, hoo ho bolela feela, ho nna, o bohole bo bokaalo le Modimo, le a bona, ntle leha a ka itshwarella Lentsweng le ho Modimo.

<sup>207</sup> Jwale, re fihlela ba bang ba tla ho mamela ka moo o buang, ha ba tla ho tadima. Ha o bua ka phodiso ya Kgalalelo le Morena; ha motho a sa kgeme, e le ramaboko ya itseng, batho ha ba kgone ho mo mamella ha a sebedisa a kang “hisn’t, hain’t,” le—le mantswe a kang... Ba mpa feela... Ha ba kgone. Ba ba nahana e le hole le Modimo.

<sup>208</sup> Athé Jesu o ne a bua puo e tlase, hoo, kajeno, e ferekanyang diporofesa, kahobane ba leka ho e toloka ho latela boithuti ba likoleshe le puo ya letsatsi leo, athé e ne e le puo ya seterateng. Ka baka leo...

<sup>209</sup> Kgele, ho na le phapang e kgolo haholo mona United States ya rona! Nkile ka letska ke le Florida, ho letsetsa New York, mme ka lokela ho fumana mosadi mona, hape, Saint Louis, ho tolokela ngwanana enwa wa borwa le ngwanana wa leboya. Ho ne ho ena le phapang e kaalo. Le a bona? Ruri.

<sup>210</sup> Lebaka ke ho re, batho ba tadima dintho tse jwalo, dipuo, ho ena le Lentswe. Lentswe le bonahatswang ke bopaki ba hore E nepahetse. Le a bona, Lentswe le bonahatswang! Ha ba shebe Hono le ka mohla. O tlamehile ho ba le kutlwisiso ya bohlale, ho tseba, ho ya kolesheng ya thuto le ho ithuta mokgwa wa ho kgumama, mokgwa wa ho ema sebakeng se le seng, le ntho tsohle. Oh, hoo ho ka bipetsa moreri, a shwa, ya tletseng Moya o Halalelang ka nnete. Le a bona? Jwale, ke ketso ya bohlale ba kelello eo.

<sup>211</sup> Mme setjhaba sena sohle se fupere ntho e jwalo. Se ruile bohlale ba kelello ka Kreste. Ke seo ba se tadinang. "Mme ha Kreste a fela a le ka ho wena, o tlamehile ho ba moithuti, o tlamehile ho ba mohlalefi," hoba ke seo ba nahanang Kreste a leng sona.

<sup>212</sup> Mme ka nako e nngwe, ntho e nngwe, ba iketsetsa mehopolo ya bona ya seo A lokelang ho ba sona, monahano wa bona ka sebele, ho ena le ho nka seo Lentswe le se boletseng. Ho jwalo ha ba tadima, mme esita le ho bona Jesu ka Sebele, ha ba kgone ho Mo eellwa. Ba e entse ka Tsatsi la Pentekosta. Ba e entse mohla Le ne le le nameng. Ba entse hoo mohla A ne a le sejelong. Ba e entse mohla A ne a le diterateng tsa Jerusalema. Ba e entse mohla A ne a le sefapanong. Mme Yena e ne e le phethahatso ya Lentswe leo. Mme, leha ho le jwalo, ba ne ba inketse Messia ya theohang ka dikgoro tsa Lehodimo, le ntho e nngwe le e nngwe, mme ba ne ba fositse, kahobane e ne e le kutlwisiso ya bohlalefi ba bona. Mme ba sitwa ho Mmona, homme, ba ntse ba Mo tadimile hantle. Ho jwalo le kajeno!

<sup>213</sup> O bona'ng ha o tadima? Ba bang ba tadima ho bona, ha ba Mo tadima, ba tadima ho bona mothei e moholo ya hlalefileng wa kereke, motho ya ka hlomang tumelwana ya nnete e ka etsang hore batho ba haptjwe ke tumelwana ena, ntho e nngwe e sele. Ke seo ba se tadinang ha ba Mmona.

<sup>214</sup> Ba bang ba tadima ho bona kgopolotaba, ntho e kang Santa Claus, ha ba tadima. Ba bala Bibele, mme ba re, "Aoo, ntho eo ke khopolotaba. E mpa e le ntho e ngotsweng ke motho. Ke sona seo, batho bao, kahobane ba sa . . ." Mohopolo wa hao ka Bibele, ke seo o se nahanang ka Yena. O a bona?

<sup>215</sup> Ba bang ba tadima ho bona lesea. Ba bang ba tadima mme ba bona e—e mmutla kapa Santa Claus. Ba bang ba tadima ba bona buka e itseng ya histori ya maobane mme e sang kajeno.

Empa, potso ke ena, o bona'ng ha o tadima?

<sup>216</sup> Bongata ba lona, bo ipolelang ho ba le Moya o Halalelang, bo a tadima mme bo bona motho wa bobedi wa botrintase. Hodima, e sa hlahiswe ka hara Bibele. Ntho e kang eo ha e yo. Lentswe trintase ha le yo ka hara makgapetla a Bibele. Empa, leha ho le jwalo, ha o tadima Jesu, o Mo nka e le motho wa boraro kapa motho wa bobedi wa botrintase, mme ke ka hona le sa fihleng kae kapa kae.

<sup>217</sup> Ana le tseba seo A se buileng? “Ke Modimo, mme ka ntle ho Nna e mong ha a yo.” Le a bona?

<sup>218</sup> Ho itshetlehile hodima seo o se tadimang. Ha o batla ho beha moshanyana ya rongwang, leqheku le ditedu, le ntho tse jwalo; ha o tadima Jesu e le motho ya itseng ya fapaneng le Modimo, o tadinile ka phoso. Ha o E bone.

<sup>219</sup> Ha se kgale haholo mona, ha ke ne ke nkile para ya diferekekere. Ke leka ho sheba tshepe e nngwe, kapa tshepe hara thota kwana. Mme mora wa ka a leka ho mpontsha, mme o batla a le motjha haholo. Ka baka leo a re, “Nka digalase tseno, ntate! Tshepe ke eno moo e emeng teng, hantle mane!”

Ka re, “Ke kgona ho e bona ka leihlo la ka la tlhaho.”

A re, “Nka digalase tsena.”

<sup>220</sup> Ha ke tadima, ka bona ditshepe tse ka bang leshome, athe digalase di ne di le lephekga. Mme eitse ha ke di sotha ke di lokisa, tsohle tse leshome tsa fetoha ntho e le nngwe.

<sup>221</sup> Mme ha o ka sotha kelello ya hao wa e kenya Lentsweng la Modimo, boraro e tla ba ntho e le Nngwe. O a bona? Empa digalase tsa hao tsa kereke di ba lephekga ha o leka Mo etsa boraro. O Mong. O a bona?

<sup>222</sup> Empa ho itshetlehile ho seo o se tadinileng. Ha o tadima o bona’ng? Hopolang, le ka Mmona feela ha le Mo tadima ka Lentswe. Le ke ke la Mo sheba ka bukana ya dithero. Le ke ke la Mo sheba ka tumelwana. Le tla bona medimo e mmedi kapa e meraro, le ntho e nngwe le e nngwe e sele, ka ditumelwana tseo. Empa le Mo tadime ka Lentswe, mme le tla bona E le “Emmanuele, ‘Modimo o entsweng nama hara rona.’” O itse, “Ke Modimo, mme ka ntleso ho Nnae mong ha a yo.” Ke Modimo.

<sup>223</sup> Esaia o kile a sheba ka nako e nngwe, moporofeta, mme hoba a bone Jesu... Temana ya ka ke, “ho tadima ho Jesu.” *Tadimang ho Jesu.* Eitse ha Esaia a tlosa mahlo a hae lefatsheng, ho Mo bona, a re, “Ke bona Moeletsi, Kgosana ya Kgotsi, Modimo o Matla, Rabosafeleng.” Ke seo Esaia a ileng a se tadima hole kwana mme a se bona.

<sup>224</sup> Daniele, ka nako e nngwe, o na a eme ha a bona e—e pheletso ya mebuso ya Baditjhaba. A bona setshwantsho seo Nebukadnesare a se lorileng. A bona ka moo o mong o tla hlahlama o mong, ha e ntse e theoha. Mme ha a tadima ho

bona se tla etsahala qetelong, ha a bona Jesu, E ne e le “Lejwe le kgephotseng thabeng, e se ka matsoho,” le ileng la pshatla mebuso ya Baditjhaba.

<sup>225</sup> Nebukadnesare o na a lahlele bana ba bararo ba Baheberu seboping sa mollo, ba dumela ho Modimo mme ba eme Lentsweng la Hae. Haeba ba ne ba tshwanetse ho Le shwela, ba ne ba tla ema, leha ho le jwalo; ke nthwana feela, ya ho kgumama ka lengole la bona nqa e sele. Empa eitse ha a tadima mme a bona Jesu, E ne e le “monna wa bone” ya neng a le kahara sebopi sa mollo, mme ya phoka lebatama lohle ho bahlanka ba Hae ba nang le kutlo. Ke seo Nebukadnesare a se boneng.

<sup>226</sup> Ezekiele o na a tadime ho Mo sheba ka tsatsi le leng, mme E ne e le “Lebidi le ka hara lebidi le leng,” hodimo kwana sebakeng. E ne e le Ase ya lebidi, moo sepeke se seng le se seng se itshwareletseng teng. Amen! Lebidi le leholo le mathiswa ke tumelo, empa Lebidi le le nyenyane le ne le sothwa ke Matla a Morena. Ke seo Ezekiele a se boneng ha a tadima.

<sup>227</sup> Johanne Mokolobetsi o na a tadime ka tsatsi le leng, mme, ha a etsa jwalo, a bona Leeba; le Lentswe, le reng, “Enwa ke Mora wa Ka eo Ke kgahliswang ke ho dula ho Yena.” Ke seo a se boneng. Yaba, o bona Jesu le Modimo e le Motho a le mong, hoba Moya wa theoha Lehodimong eka Leeba, o re, “Enwa ke Mora wa Ka ya ratwang eo Ke kgahliswang ke ho dula ho yena.” Ke seo a se boneng. Lemohang, O Itsebahatsa ka mokgwa oo.

<sup>228</sup> Nohe, mohla a na a tadima ho Mo sheba, Nohe o bone dikahlolo tse ntla tsa Modimo di dihelwa hodima batho ba lefatshe lena ba hanneng Lentswe la Hae. Ke seo Nohe a se buileng ha a ne a tadima.

<sup>229</sup> Moshe, mohla a ne a tadima, a bona sehlahlha se tukang. Topallo ya Mollo e ne e Itshwasitse sehlahleng, mme, ha Moshe a atamela ho Yona, A re, “Rola dieta tsa hao, hoba, ‘KE TENG.’” Jwale, ha le ka beha lentswe leo sekaleng, “KE TENG,” ke lekgatthe-le-fetile, lekgatthe-le-jwale, le lekgatthe-le-tlang. “KE TENG,” Bosafeleng! Le a bona? “KE TENG,” a bona “KE TENG.” Ke seo a se boneng sehlahleng se tukang.

<sup>230</sup> Israele ya na ya tadima noha ya koporo eo Moshe a e entseng, mme ya bona mahlomola a Kreste ho ahlolelwa bakudi, hoba rea tseba noha e ne e lekanya Pheko.

<sup>231</sup> Jesu e ne e le Pheko eo. “Jwaloka ha Moshe a ne a fanyehe noha ya koporo lefelleng, Mora motho le yena e ka kgona a fanyehe,” ka morero o tshwanang. Le a bona? Hobaneng? Ba ne ba sitilwe, mme ba ne ba kula; e ne e le ho tlosa dibe tsa bona le ka baka la malwetse a bona. Mme ke sona seo, “Jesu o tetekilwe ka baka la makgopo a rona; re fodisitswe ka maqeba a Hae.” Ha o fokotsa phodiso ya Kgalalelo ho Kreste, o kgaola Pheko ka lehare, koto tse pedi. O a bona?

<sup>232</sup> O bonang ho Yena ha o tadima? Na o bona seo? Na o bona seo, “A tetekwa ka baka la makgopo a rona; re fodisitswe ka maqeba a Hae”? Ha o tadima hole kwana, na o bona hoo, kapa o kgona ho bona lehlakore le le leng feela la Pheko? Na o kgona ho bona mahlakore a mabedi a yona ha o tadima?

Ha o e tadima ka molawana, ba tla re ho wena, “Matsatsi a pholiso a fetile.”

Empa ha o e tadima ka Lentswe, o tla bona, “E sa le Yena maobane, kajeno, le ka ho sa feleng.” O a bona?

<sup>233</sup> Barutuwa ba ne ba Mo tadime mohla ba befetsweng ke lewatle, mme ba bona yona feela thuso e neng e ka ba thusa, e fihla.

<sup>234</sup> Maretha o na a tadime ho Yena mohla lefu, mme a bona hobane E ne e le “tsoho le Bophelo.” Amen! Mohla lefu, Maretha a bona, ha a Mo tadima... A ile a nyatsuwa ke setjhaba sa hae; A ile a kgeswa; esita, a ile a romela ho Yena, A mpa a sa ka a tla ho kgaitsemi ya hae. Empa qetellong ha A fihla, mme a tloha a itihela fatshe a tle a Mo tadime, a Mo fihlela e le “tsoho le Bophelo” mmoho. Amen!

<sup>235</sup> Jariuse a etsa yona ntho eo, modumedi wa sekgukgu; Mopresbeteriene e moyenyane, Methodist, Baptist, ya na dumela ka nnete, empa a sa kgone ho hlahella, ka baka la phutheho ya hae hlophilweng e sa kang ya mo dumella, hoba a ne a ka kgaolwa. Empa moradinyana a le mong feela wa hae a robetse ntshing tsa lefu, mme a tlameha ho ya. Empa ha a Mo fumana, a fumana hobane E ne e le tsoho le Bophelo.

<sup>236</sup> Eitse ha a romela ho Yena, setitimi sa kgutla sa re, “O se ke wa kgathatsa Monghadi, hoba morwetsana o se a shwele.” A... Mme pelwana ya hae ya batla e ema.

<sup>237</sup> Empa A re, “Na ha Ke a ka bolela ho re, ‘Ha o ka dumela feela, o tla bona Kganya ya Modimo?’” Jariuse a fumana hobane O na a kgona ho tsosa bafu, ha a ne a tadima Jesu.

<sup>238</sup> Ba lapileng ba tadima ho Yena, mme ba fumana dijo tse matlafatsang tsa bophelo. Moo e ne e le nameng. Ba lapileng, moyeng, ba ka tadima ho Yena ba Mo fumana e le Bohobe ba Bophelo.

<sup>239</sup> Leshodu le shwang le ile la tadima ho bona seo le ka se bonang, mme la fumana, ka ho Jesu, tshwarelo ya lona. “O nkogopole, Morena, ha O kena Mmusong wa Hao.” Jesu a re, “Kajeno o tla ba le Nna paradeiseng.” Ke seo le se boneng horeng ya lona ya lefu.

<sup>240</sup> Bakudi ba ne ba Mo tadima, mme ba bona Mofodisi. Difofu di ne di tadima, mme tsa kgona ho bona.

Ho tswa ho seo o se tadimileng hona jwale. O tadimile ho eng?

<sup>241</sup> Petrose le Nathanaele ba tadima, mme ba bona Lentswe le tshepisitsweng la moporofeta wa bona, Moshe, le bonahatswa. "Morena Modimo wa lona o tla le hlahisetsa Moporofeta ya jwalo ka nna, mme batho ba tla Mo kgomarela. Mme bohole ba sa dumeleng ho Yena, mme ba utlwa Moporofeta eo, ba tla kgaolwa setjhabeng."

<sup>242</sup> Mme yare ha Petrose a atamela ka pela Sefahleho sa Hae, Jesu a re, "Lebitso la hao o Simone, mme o mora wa Jonase." A tseba hona moo, mohla a ne a tadima Jesu kgetlo la ho qala, hore hoo e ne e le phethahatso ya seo Lentswe la Modimo le se boletseng A tla ba sona. Amen.

<sup>243</sup> Kea ipotsa na o ile wa fumana ntho e tshwanang mohla o ne o Mo tadima kgetlo la pele? Kea ipotsa na Lentswe la tshepiso le Iponahatsa ho wena ha o ne o Mo tadima?

<sup>244</sup> Nathanaele, hang ha a fihla ka pela Sefahleho sa Jesu, a batla a belaela...Re fumana Filippi a ile a tloha ho ya mmolella, "Tloo o bone, Eo re mo fumaneng."

Yaba Nathanaele o a tla, mme a re, "Yena ke ofe?"

A re, "Kea kgolwa Yena ke yane ya ntseng a rapella ba kulang."

<sup>245</sup> A fohla ka matla ho fihlela a Mo tadima. Mme ha a tadima, Jesu a re, "Bonang MoIseraele wa sebele eo ho seng mano ho yena."

A re, "Rabbi, O ntsebella hokae?"

<sup>246</sup> A re, "Le pele Filippi a o bitsa, o sa le tlasa sefate, Ke o bone."

<sup>247</sup> Yaba Nathanaele o fumana eng? A Mo fumana e le Morena wa Israele. A re, "O Mora wa Modimo. O Morena wa Israele." Ke seo a se boneng ha a ne a tadima. A fumana tlhaloso ya Lengolo, la tjhabiswa ka pela hae. A le bona, lona Lengolo leo moporofeta ya tlotsuweng Moshe a le buileng, "E tla ba Moporofeta ya jwale ka nna."

<sup>248</sup> Mosadi ya sedibeng, o kile a tadima, mme a bona'ng? A se hlalosa ka hara motse. A re, "Tloong, le bone Monna Ya mpoleletseng tsohle tseo ke di entseng. Na ha se yena Messia?" Mohla a ne a tadima Jesu Kreste la ho qala, o ile a bona Messia.

<sup>249</sup> Batho ba ka tadima ntho e le nngwe kajeno, mme ba E bitsa "ho bala kelello." Ba E bitsa "boloi." Ba E rea lebitso la diabolosi wa mofuta o mong le o mong ba ka E reang lona, hobane ha ba tsebe seo ba se batlang. Amen. Ha ba utlwisse. Ba batlana le tumelwana. Ba batlana le mohlalefi ya hlophisang kereke. Ba batlana le ditho tse ngata, mme ba hlolehe ho bona Morena Jesu Kreste ya bokwang ka hara Lentswe la Hae le tsebahaditsweng. Ke hantle.

<sup>250</sup> Ho itshetlehile hodima seo o se tadimileng. Ha o tadimile phethahatso ya tshepiso ya letsatsi, o tla e bona. Empa, ha o tadimile hlalefo, kapa ntho eo ba nnileng ba e tadima ka mehla, mothei ya itseng ya phahameng, rahistori ya itseng, motho e mong o sele, ntho e nngwe e sele, o tla sitwa ho E bona. Empa ha o Mo tadima ka Lentswe, Lentswe le hhalosa hore Yena ke Mang.

<sup>251</sup> O ile a phephetsa batho ba letsatsi la Hae ho etsa jwalo. Ba sa kgone ho Mmona. A re, “Lona baetapele ba difofu. Le re Moshe ke moporofeta wa lona. Hola le tsebile Moshe, le ne le tla Ntseba. Moshe o ngotse ka Nna.” Mme keha ba foufetse haholo ho E bona. Ba ntse ba E tadimile, mme keha ba foufetse haholo ho E bona.

<sup>252</sup> Ke mpa ke lohanya “diphalana,” tseo hoseng hona, ka metsotsi e mmalwa feela, le a bona. Ba batla, empa ha ba tsebe seo ba se batlang, kahobane ba ena le kutlwisiso e phoso ya seo ba lekang ho se fumana. O tla tseba jwang seo o batlang ho se fumana, ha o sa tsebe seo o se batlang?

<sup>253</sup> O ka ya batla mokopu jwang, empa o eso o bone mme o eso utlwe ka wona? O ka ya batla lehapu jwang, o sa ka wa tseba ntho e jwalo e le teng, le kamoo e shebehang kateng? Kgele, o ka fumana tjoto, mme wa nahana hore ke lehapu. O ka fumana ntho e nngwe, o ka fumana boloko, wa nahana hore e ne e le lehapu.

<sup>254</sup> Eka kgona o tsebe seo o se batlang. Mme mokgwa feela wa ho tseba seo o yang ho sona, seo o se batlang; ha o batla Jesu, o tla tadima Lentswe, hoba Yena ke Lentswe. “Ke Wona a Mpakang. Le batlisise Mangolo.”

<sup>255</sup> “Lona le bolela ha le... le dumela baporofeta, empa le bana ba ntata lona diabolosi. Bontata lona, lona ba ipoledisang; enereha Modimo o ba romella baporofeta, a ba epele lebitleng. Bao—bao ba bolaile baporofeta. E mong le e mong ya tlileng,” Jesu a re, “ke ofe hara bona eo bontata lona ba sa kang ba mo tlepetsa? Mme le etsa mesebetsi ya bontata lona.” Amen! Monna ya lokileng, monna ya halalelang, monna eo o no o ka sitwa ho mo supa ka monwana, mme leha ho le jwalo A ba bitsa “dinoha le bodiabolosi.” Le a bona?

<sup>256</sup> Le batla’ng? Na le batlana lemotho wa mohalaledi? Batho ba bang ba nahana hore pele Moya o Halalelang o ka sebetsa ka wena, o tla lokela ho ba thaka le phahameng, le halalelang, le tla tsamaya hohle o bile o sa... Ha se Moya o Halalelang oo. Modimo ha o sebedise mangeloi jwalo, kapa ha ho a lokela ho ba jwalo. Modimo o sebedisa motho. Bibele e itse, “Elia e ne e le motho wa maikutlo a jwalo ka a rona,” empa pele o bona Jesu o ne o sa tlo tsamaya le yena.

<sup>257</sup> Petrose le Johanne, pela monyako o bitswang o Lokileng. Eitse ha ba ba hulela hodimo mono ka ho fodisa monna eo,

“Ba lemoха hobane ba ne ba sa ruteha, ba sa bala, empa ba lemoха hape hore ba tsamaile le Jesu,” o a bona, hobane Bophelo ba Hae bo ne ho hadima ho bona.

Jwale, ho itshetlehile ho seo o se tademang.

<sup>258</sup> Mosadi eo o ne a badile Bibebe. A tsebile Messia a tla tla, mme a tseba seo Messia eo a tla se etsa. Mme hang feela ha Jesu a re ho yena, “Mphe metsi.”

A re, “Ha se tshwanelo.” Ke monna ya tlwaelehileng feela.

<sup>259</sup> Jwale, hola A ne a dutse mono a rwetse katiba e kgolo, mme A apere mefuta yohle ya diaparo, tsa—tsa motho ya itseng ya halalelang, kgele, mosadi a ka be a itse, “Be, moprista ke eo,” ebe o tloha a ikela. Kapa, “Moruti wa mofuta ke eo,” ebe o a itsamaela.

<sup>260</sup> Moreri, ntho e nngwe; ke bone monna a tilo ja, kajeno, le nna ke ilo jela teng. Mme thaka leo la kena, a—a jere difapano tse lekaneng; ka nako tse ding ho molemo ha mathaka ao a jere ntho eo. Ke nahana motho a lokela ho phela bophelo. Ha o a lokela ho apara diaparo tse ngata tsa boruti, ho paka seo o leng sona. Ka dinako tse ding ba nwa, mme ba etsa dinthontho, ba tsuba disakrete, le ntho e nngwe le e nngwe, ba tlameha ho apara diaparo tsa boruti esita le ho ka tsejwa hore ke moruti kapa tjhe. Ke hantle.

<sup>261</sup> Ke a le borella, diaparo tsa boruti tseo monna a ka di aparang ke kolobetso ya Moya o Halalelang. E tla o tsebahatsa o le mmoho le Jesu! . . . ? . . .

<sup>262</sup> Jwale, re fumana hore, ho itshetlehile ho seo o se batlang. Motho ya apereng hantle, ya bentshitsweng, ka katiba ya mofuta; o ke ke wa Mmona le ka mohla, hoba E ne e le monna ya tlwaelehileng feela. Modimo o sebetsana le motho. Jesu e ne e le motho; Modimo o no o le ka ho motho, mme E ne e le Modimo.

<sup>263</sup> Jwale, re fihlela mosadi enwa, eitse ha a bona pontsho e mohlolо ena, ha A kgona ho mmolella phoso eo a e entseng, kapa se neng se dutse pelong ya hae, a tseba hona moo hoba e ne e le Messia. Ka baka leo, eitse ha a sheba Jesu, a bona Messia.

<sup>264</sup> Messia, mesebetsi ya Messia e ne e le efe? O tla tseba sephiri sa pelo. Ana taba eo e le tshwere hantle? Kea ipotsa le tla utlwisa na. Ha le ka Mmatla, bosiung bona, le ne le tla batla’ng? O ne a tla tshwana. Messia ke Lentswe, Lentswe! Mme Bibebe e itse, ho Baheberu kaholong ya 4, ho re, “Lentswe la Modimo le bohole, le matla ho fetabole e leoditsweng ka nga tse pedi, le hlaba ho isa lesapong, mme le senola mehopolo ya pelo.”

<sup>265</sup> Mme ha a se a tsebile hobane Messia e tla ba Lentswe le bonahaditsweng, le ho kgona ho bolela se neng se le phoso ka

yena, a tseba hobane e ne e le Messia. E seng kamoo A apereng kateng, e seng ka bokaalo ba thuto ya Hae; empa, ka pontsho eo A mmontshitseng yona, E ne e le Messia. Eitse ha a bona Jesu, a bona Messia; Modimo ka hara Motho, jwaleka ha ho tshepisitswe mongwaha o tlotsitsweng oo.

<sup>266</sup> Empa le a tseba ke'ng? Boholo, ba mengwaha eo ke buileng ka yona, e sitilwe ho bona ntho eo. Bongata ba bona bo sitilwe ho e bona. Ho a tshwana le kajeno. Bongata bo sitilwe ho elellwa Moshe. Bongata bo sitilwe ho elellwa Elia. Bongata bo sitilwe ho ele... Ba ba elellwa ba se ba ile, eba ke hona ba e elellwang.

<sup>267</sup> Mohetene o ile a bona, matsatsing a Nohe, empa feela ho se dumele ha sheba eng? Ke le boleletse seo modumedi a se boneng, jwale ha re boneng seo bahetene ba se boneng. Matsatsing a Nohe, bahetene ba bone eng—ho bona eng morao kwana mohla ba ne ba tadima? Ba bone “lehlanya, le ntse le tsekela le pota ntho e bitswang sekepe.” Ke phetho seo ba se boneng. “Monnamoholo ya hlanyang ya matshwala a pudufetseng, ya na a lahlehetswe ke kelello, mme, kgahlano le dipatliso tsa mahlale le bopaki, a re, ‘Metsi a teng hodimo mono.’ Kgele, motho wa batho!” Ba mo utlwela bohloko. “Mo feteng; yena, le tla utlwaa ho se ho thwe wa hlanya haufinyane. O lahlehetswe ke kelello.”

<sup>268</sup> Empa o ne a tshwere Lentswe la Morena. O ne a haha, a e haha, mme Modimo o ne o paka ho tla ha morwallo. Ho bona e ne e le pontsho. Ba neng ba sa dumele pale ya Nohe ba ne ba thekesela hara lefifi, mme ba qetella ba shwele, ka hara metsi, le lebitla la dihele.

<sup>269</sup> Faro, o kile a tadima. Mme a bonang, Faro o bone eng? A bona “lehlanya, leo ho thweng ke moporofeta, le ipolela matla a mangata a ho lokolla.” Ke phetho seo ba se boneng; moduba-seretse, lekgoba le emeng hara batho, mme a re o romilwe ke Modimo ho etsa mehlolo. Kgele, ba lekanya thaka leo lehlehetswe ke... Ha thwe, “Mo tloheleng, a tswelepele a inanathe. O tla... Ba tla mo tlaleha a ‘hlanya’ ka mora nakwana.”

<sup>270</sup> Empa o ne a ena le HO RIALO MORENA. Badumedi, Aarone, Joshua, le ba bang ba bangata, ba bone Modimo ka ho Moshe. Mme Moshe, o ne a etsa mesebetsi ya Modimo, ke ka hona ba tsebileng hore Modimo o no o le ka ho yena. Ba tadima mme ba bona Modimo ka ho Moshe.

<sup>271</sup> Monna wa morui o kile a sheba mme a bona hantle hore E ne e le Mang? Le a bona? Empa a hana ho Mo latela, kahobane a ne a rata dintho tsa lefatshe, haholo, ho ka latela Jesu.

<sup>272</sup> Ke banna ba bakae ba barui ba tla utlwaa teipi ena, ba mofuta oo! Ha ba lokela ho rua tjhelete ka mehla; tjhe, o ka rua ditakatso, o ka rua menate ya bophelo bona. Ke banna

ba bakae, ke basetsana ba bakae, mme ke bahlankana ba bakae, ba sa tla rekisa botumo ba bona ka baka la kgalala e itseng ya motabo, kapa Ricky ya itseng ya tshwereng banjo kapa katara, a tswa a thabisa ka rokon-rolo, kapa tantshe e itseng eo a tsebang ho e tantsha! Ke ba bakae ba bona ba tla ipolela matlotlo a bona a borui, mme ba hane, ba ntse ba dutse ka hara tshebeletso mme ba bona Letsoho la Modimo le tsamaya mme le hhalosa Lentswe la Hae! Ba bakae ba tla etsa jwalo!

<sup>273</sup> A kgetha phutheho ya hae ya bodumedi. A ka phela ka yona. “Jesu e ne e le lehlanya,” phuthehong ya hae ya bodumedi. Ka hona a loketse ho nka se bolelwang ke Jesu, kapa a nke...

<sup>274</sup> Hobaneng a sa ya ho moprista wa hae, mme a re, “Nka etsang ho rua Bophelo bo sa Feleng?: O ne a tseba moprista a sa tsebe letho ka Bona.

Ka baka leo a tla ho Jesu, mme a re, “Nka etsang?”

<sup>275</sup> Jesu a re, “Eka kgona o boloke melao.” A mo neeletsa yona.

A re, “Ke e bolokile.”

<sup>276</sup> A re, “Eka kgona o boloke melao.” Le jwale, a ntse a se na Bophelo bo sa Feleng, mme a tseba ha a na bona. O ka boloka melao yohle, mme o ntse o se na Bophelo bo sa Feleng, le jwale.

<sup>277</sup> Ka baka leo Jesu a re, “Jwale ha o batla ho etsa ho lokileng, eya o rekise maruo a hao, mme o a abele mafutsana. Wena o tle, o Ntatele.”

<sup>278</sup> Empa ya mo imela haholo. Le a bona? Re fumana a ile a tadima mme a bona hore E ne e le Mang, empa a hana ho e amohela. Mme pono ya hae e latelang e le diheleng, a shebile hodimo mme a bona Lasaro sefubeng sa Abrahama.

<sup>279</sup> Pilato a tadima, ka nako e nngwe, mohla ba ne ba Mo tlisa. A eso Mmone pele. Matsoho a Hae a tlamilwe; madi a fopha mokokotlong wa Hae; mofapahloho wa meutlwa hlohong ya Hae. Pilato a tadima, mme a kgodiseha.

<sup>280</sup> Hobane, pere e ile ya theoha ka lebelo seterateng, mme mokalli a e tshethema, a ba a matha a re, “Ke lena, mosadi o ongoletse lengolo.”

<sup>281</sup> Yaba o a le sheba, mme a itse, “Pilato, monna wa ka ya ratwang, o se ke wa kena taba tsa Monna eo ya lokileng, hoba kajeno ke bone bohloko bo boholo borokong ka baka la Hae.”

<sup>282</sup> A thothomela. Mangole a hae a otlana. Mme a re, “Ha O le Mora wa Modimo, ha O le Morena, hobaneng O sa bue? Ana O Morena wa Israeles na?”

A re, “O boletse teng.”

Ho re, “Re bolelle nnete.”

<sup>283</sup> A re, “Ke tswaletswe hona.” Mme Pilato a ba a makala. A...

<sup>284</sup> Bohle, motho e mong le e mong, a qeka a lla maotong a hae. A re, “Ke na le matla a ho O bolaya, kapa ke na le matla a ho O lokolla.”

<sup>285</sup> A re, “Ha o na matla a letho, ha o sa a fuwe ke Ntate.” Shuu!

<sup>286</sup> Monghadi, o ne a kgodisehile hore Eo o ne a fetisa motho. A kgodisehile ruri hore E ne e fetisa motho. Ruri, o ne a le jwalo. Empa (eng?) dipolotiki tsa hae le botumo di ne di le kgolo haholo. Le a bona, a Mo hana. Botumo ba hae bo ne bo le boholo. Dipolotiki, maemo a hae bophelong, a le maholo haholo, ho amohela lehlanya lena.

<sup>287</sup> Kea ipotsa ke boPilato ba bakae ba tla utlwa sena, maemo a lona phuthehong tsa lona a tla be a phahame haholo, ho amohela Morena Jesu wa nnete ya emeng maemong ao A leng ho wona kajeno.

Lesole la Roma, sefapanong, le ile la tadima Jesu.

<sup>288</sup> Ka mora hoba lefatshes le khohloptjwe ke methapo, la reketla hoo mafika a bileng a hlotleha dithabeng. Mme letsatsi la dikela hara mpa ya letsheare, ha fifala. Dinaledi tsa hana ho tjhabisa lesedi la tsona. Mme lefatshes la thunya mafika la reketla. Mme letolo le ditseenene la haola sebakeng; la hahola lesela la tempele ho qala hodimo ho ya fihla tlase. Mme, batho ba matha mme ba hweletsa, ba sa tsebe se etsahetseng.

<sup>289</sup> Lesole leo la Roma le thusitseng ho Mo kgokgothela mono, la hlaba pelo ya Hae ka lehare ka sabole, yaba lea tadima, empa e se le morao. La tadima la dumela, empa nako ya ho dumela e se e mo tlotsse. Seo a se entseng sa tiisa tshenyeho ya hae; o ne a totomeditse lerumo la hae pelong ya Mopholosi. Nako e se e fatile.

<sup>290</sup> Kea ipotsa ke Maroma a makae kajeno a entseng ntho eo, le a tla etsa yona ntho eo. O ka tsoha o sheba, ka tsatsi le leng, empa e ka tadima e se e le morao haholo. Ba bangata ba kajeno ba tla hlaha mohlang oo mme ho be jwalo ka bona. Ba tsebile.

<sup>291</sup> Moena Woods mona; maobane. Ke e bua kahobane e le Molaetseng wona. Tlase mona Khampaling ya Slider, leloko la Roma e Katolike le dutseng mono. O ile a ya lata konkreiti bakeng sa kereke mona, mme, ha a etsa jwalo, a mmolella lebaka la ho e lata. Yaba Moroma wa Katolike o re, “Ke Moena Branham eo?”

“E.”

<sup>292</sup> A re, “Ke tla bua ntho e le nngwe; ha a rapela, Modimo o a arabela.” Le a bona?

<sup>293</sup> Kea ipotsa jwale, ka ho e tseba, ho bona netefatso ya hobane ke Evangeli ruri, e seng nna; motho mang le mang ya emetseng Kreste. Ke Lentswe leo re buang ka lona, e seng motho.

<sup>294</sup> Ke leka ho reng? Ke sena, ke hore, ba bona Lentswe le netefaditsweng ka ho hlaka, jwale ka Pilato le jwale ka ha ba bang bohole ba entse, jwale ka lesole la Roma, empa ana o tla ema ho fihlela nako e fela o bo o sitwe ho etsa letho? Hola a sebedisa lerumo a le lebisa nga e nngwe. Menyako e tla kwalwa, jwale ka matsatsing a Nohe, mme e nt oo ba morao haholo. O ka tshoha o tsaha hoseng ho hong, mme wa re, "Ke ikemiseditse ho tswa ditshileng tsena." O se ke wa diehisa nako haholo. O mpe o shebe mme o phele hona jwale.

<sup>295</sup> Luthere o ile a tadima hole le phutheho ya Katolike. O ile a bona'ng? Topallo ya Mollo. A bona kereke e ikemetseng.

<sup>296</sup> Wesele o ile a tadima hole le phutheho ya Anglican. A bona ntho e tshwanang.

<sup>297</sup> Pentekosta e ile ya tadima hole le diphutheho tse ding tsohle. Mme ya fetoha eng? Setjhaba se seholo, se matla.

<sup>298</sup> E nngwe le e nngwe ya tsona e ile ya etsang? Eitse ha bathei, Luthere, le Wesele, le bao, eitse ha ba sheba mme ba bona seo ba se entseng ba bile ba qadisa; bana ba bona, ba ba latelang, ba ile ba hetla morao moo ba tswang teng, diphuthehong tsa bodumedi, mme ba kgutlisetsa sehlopha seo sa batho hantle hlekehlekeng eo ba tswileng ho yona.

<sup>299</sup> O tadimile ho eng? Bathei ba tadima hantle. Empa batho, ba ba latelang, ba ile ba hetla seo bathei ba tswileng ho sona, mme ba etsa hantle seo bathei ba ileng ba ema kgahlano le sona; motlotsuwa wa Modimo.

<sup>300</sup> Le a tseba, ke lokela ho potlaka, ho ba ke tshwarana le mola wa thapelo hamorao, mme kea tseba bongata ba lona bo lokela ho tsamaya.

<sup>301</sup> Ka na ka tadima ka tsatsi le leng. Ka bona Lentswe le entsweng nama. Ka bona Alfa le Omega. Ha ke a ka ka bona boraro, bone, kapa bohlano; ke bone a le Mong. Ka Mmona jwale ka Mopholosi wa ka. Ka Mmona, Lentswe. Ka Mmona, Lesedi. Ka Mmona, Modimo o Matla. Ka bona Modimo ka ho Yena. Ka bona Topallo ya Mollo. Ka bona, ka ho Yena, hantle seo Bibebe e Mmoletseng a le sona. Ka bona hobane E ne e le Alfa le Omega, hore E ne e le Topallo ya Mollo. E ne e le Yena maobane, kajeno, le ka ho sa feleng. Ka bona hobane Topallo ya Mollo e buile le Johanne, ya re, "Sefahleho sa Hae se sa furalleng." Jwale ka ha a boletse ho Johanne, hodimo mono, "Mme Sefahleho sa Hae se sa retoloheng se ke ke sa o furalla." Moena, mohopolo wa ka kajeno, ke ho bina thoko eo:

“Sheba o phele,” moena, o phele,  
 Sheba ho Jesu mme o phele;  
 Ho ngodilwe ‘Ntsweng la hae, alleluia!  
 Ke ho “sheba feela le ho phela.”

<sup>302</sup> Tadima! O bona’ng? Ana o bona tokoloho? Ana o bona seo A leng sona? Tadima ka Lentswe mme o bone seo A neng a le sona, o ntoo sheba ka lona Lentswe leo mme o bone hore e sa le Yena kajeno jwale ka e ne e le Yena mohlang oo. Ke papiso ya noha ya koporo lefelleng, ka morero ona oo, sebe le malwetse.

<sup>303</sup> Judase o kile a tadima, ka tsatsi le leng. Mme ha a tadima, hoba a Mo tadinisise hantle... Nako ena yohle a ntse a tadinile letlotlo, pele ho moo, pitsa ya tjhelete eo ba neng ba e nkile. Empa ka tsatsi le leng ha a sheba mme a bona Jesu, lea tseba a bonang? A bona hoba o ne a le molato. A bona hobane o ne a sa lokela ho phela, eaba o a iphanyeha.

<sup>304</sup> Hoseng ho hong, hoseng ho hoholo ka ho fetisisa nalaneng ya nako. Ha ke kwala, ke bua taba ena. Ho na le ntho e etsahalang Jerusalema, mme hang feela sehlopha sa masole se tla se—se tla se theohela teronkong. Ke utlwa ho lla ha—ha mahlaahlela; ke utlwa lerumo le hulanngwa seterateng.

<sup>305</sup> Ke mang ya lutseng morao moo? Barabase. O itokiseditse ho shwa. Ke leshodu. Ha a loka. Ke motlatlapi. Ke mmolai. O tlil’o shwa.

<sup>306</sup> Ntho ya pele le a tseba, o itse, “Be, pheletso ya ka ke ena. Hoseng hona ke tla fanyehwa.”

<sup>307</sup> Ntho ya pele lea tseba, molebedi a bula monyako, “Tswa, Barabase.”

A tswa a re, “Be, ke kholwa e le pheletso ena.”

A re, “Barabase, o lokolohile tokoloho.”

“Eng? Ke etsa jwang? Ke...”

“Ho lokoloha tokoloho! O lokolohile,” ke itsalo.

Ho re, “Nka lokoloha jwang?”

<sup>308</sup> A re, “Be, tloo kwano, Barabase, sheba hodimo *mane*. O bona Monna yane ya shwang hodimo mane? O nkile sebaka sa hao.”

<sup>309</sup> Kea ipotsa na rona bohle, bosiung bona, re ka sheba ra bona seo Barabase a se boneng, motho e mong ya nkang sebaka sa hao? “O hlabetswe dibe tsa rona, a tetekwa ka baka la makgopo a rona. Kotlo e re tlisetsang kgotso e Mo wetse hodimo; mme ka maqeba a Hae,” ke fodisitswe, le wena o fodisitswe. Kea ipotsa rona, ba molato, ba tlamehileng ba be ba kula, re kgona ho bona topollo ya rona ho Yena na? Wena ya na loketse ho ya diheleng; o ka Mmona tokolohong ya hao, ho fetela ha hao Lehodimong. Kea ipotsa o ka bona seo Barabase a se boneng tsatsing leo?

<sup>310</sup> O itse, “Ho se ho se hokae mme lefatshe ha le sa tla Mpona, empa lona le tla Mpona.” Oho, kereke! Jwale, haeba A itse, “Le tla Mpona,” ke bopaki ba hobane o ka boela wa tadima. “Lona le tla Mpona, hoba Ke tla ba le lona, le ka ho lona, ho isa pheletsong ya lefatshe.” Neng? Le Mmona jwang? Lentsweng. Eena ke Lentswe. Sheba Lentswe o bone seo tshepiso e leng sona, hoba esale Eena maobane, kajeno, le ka ho sa feleng.

<sup>311</sup> Seo A na a le sona mohla A na a tsamaya Galelea, e sa le yona ntho eo A leng yona bosiung bona Jeffersonville, yona ntho eo A leng yona Tabernakeleng ya Branham. O sheba ho bonang, mothei, monna wa phutheho e hlophisisweng? O ke ke wa e bona ka ho Jesu. Ana o sheba ho bona moprista e moholo? O ke ke wa e bona ho Jesu. Tjhe. O bona Jesu jwang? Ka Lentswe la Modimo le bonahaditsweng, hoba Yena e ne e le Lentswe la Modimo le bonahaditsweng. Seo A na a le sona mohlang oo, O sona bosiung bona, mme e tla ba sona ka mehla.

<sup>312</sup> Ha re inamiseng dihloho tsa rona motsotso. Ke tla o kgaola ha kgutshwane.

<sup>313</sup> Morena Jesu, ke thapelo ya ka eo, ha nke ke shebe hole le mekgathala ya bophelo. Morena, ke—ke tseba re le batho ba tlwaelehileng feela, ba sa rutehang. Ha rea rua dintho tsa lefatshe lena hakaalo, empa rea O rata, Morena.

<sup>314</sup> Mme ke buella batho bana. Ba ne ba sa tlo dula sebakeng se tjena, ba pitlana ba petetsana, le hohle hara matshwele; mme ba dule, ba tjheswa, ke—ke motjheso; kapa ba hatsela serameng, mme ba ema hara...ba tla le bana ba bona, ba kulang le ba mahlomoleng, ba tla; ha ba ne ba tlide ho bona ntho e nngwe ka ntle ho Wena. Batho bao, Morena, ba ke ke ba tla bona motho. Ho na le banna ba bangata seterateng; bohole ba tshwana.

<sup>315</sup> Empa ba tlide ho bona Monna, Monna eo wa Modimo, Jesu eo wa nama wa Nazaretha, e leng Modimo. Jwale, Ntate, O re boleletse ho re, “Ho se ho se hokae, mme lefatshe ha le sa tla Mpona,” ho sa tsottelehe ba sheba ka thata hakakang, ba ke ba Le bona. Empa O itse, “Lona le tla Mpona,” modumeli wa nnete, “hoba Ke tla ba le lona, le ka ho lona, ho fihla pheletsong ya lefatshe.” O re tshepisitse, ha re ka tadima, re tla bona. Mme kea rapela, bosiung bona, hore O tle o phethe Lengolo leo ho rona hape bosiung bona, re tle re tadime mme re bone Jesu a Itsebisa rona, kamoo A nnileng a etsa, ho phethahatsa Lentswe la Hae, ho qala jwale, Morena.

<sup>316</sup> Mme ke entse tlhahiso, pele ho mona, mme ke buile dintho tsena ho tswa pelong ya ka ruri, ka Dikgulo, mme ke Wena ya mpoleletseng. Mme jwale, leha ho bonahala ho makatsa hakaalo, hola feela re ka tsipa letsvalo la rona le ka hare,

mme ra bona ha dintho tseo di ne di ke ke tsa bolelwa esale pele, ka ho phethahala kamoo di leng kateng, ha di ne di sa tswe ho Modimo.

<sup>317</sup> Re kgonne jwang ho bona ntho eo ya Pele e etsahala? Ya Bobedi e ne e ka etsahala jwang? Ya Boraro e ne e ka etsahala jwang? Re ne re ka ema mona jwang, dikgwedi pele e etsahala, mme ra bolela se ne se tla etsahala Tucson? Le hore ho tla bulwa Ditiiso tse Supileng, le ho kgutlisa sephiri, le ho senola dintho tse patilweng tsa Modimo, tseo esale di patwa ho tloha tshimolohong ya nako. Le ho e bona, e pakilwe, ethasisetswa, e tiiswa ke mahlale!

<sup>318</sup> Morena, ke Wena setshabelo sa rona le matla a rona. O tsohle tseo re nang le tsona. Mme kea O leboha, Morena, ka, ho ba karolo ya moruo o moholo ona wa Hao. Kea O leboha, ho ba setho sa Mmele wa Hao, hammocho le ba bangata mona bao e leng ditho tsa Mmele oo, ba bangata lefatsheng lohle ka hara dikereke tse fapaneng, e leng ditho tsa Mmele oo wa Kreste wa sephiri.

<sup>319</sup> Nako le nako ha re sheba, rea Mmona! Ho Mmona ha dinonyana di bina. Ho Mmona ha letsatsi le tjhaba, kapa ha le dikela. Ho Mo utlwa dipineng. Ho Mmona ka hara batho ba Hae. Ho Mmona a netefatsa Lentswe la Hae.

<sup>320</sup> Oho Morena, O Modimo wa rona. Ree tla bitsa ho Wena ka meso. Wena o Ntat'a rona ya lerekö. O re tshwarele ditlolo tsa rona.

<sup>321</sup> Morena, re nakong ya qetelo. Ke bona menyako e se e tla kwalwa kapele, menyako ya monyetla. Mme ere letsatsi le sa tjhabile mme ke sa kgona ho kena dibakeng tse ding tsena, Morena, o nthuse ho ya. Ke a tsafala; mphe matla. Ntjhafatsa botjha ba ka, Morena. Nthuse, ke tle ke etse ntho e nngwe ka ntle mane, jwale, etswe ke lebeletse ho hlaha ha ntho e kgolo ena, e tla fihla. Nthuse, Morena, ha ke tswa, ke tle ke kgone, ka mokgwa o itseng, ho tshwasa Peo eo ya ho qetela e rerilweng pele, e tla kgutlisa Morena Jesu. Thusa, Oho Modimo!

<sup>322</sup> Mme ha eba ke haha motheo oo motho e mong a tla ema hodima wona, etsa, Morena, hore hoo ho etsahale kapele, Lentswe le tle le phethehe.

<sup>323</sup> Takatso ya dipelo tsa rona ke ho bona ho phethahala ha Lentswe la Hao. Rea O rata. Re dumela ho Wena. Hara batho ba sa dumeleng, ba belaelang, moloko oo—oo—oo re o fumanang kajeno, Morena Modimo, re sa ntse re dumela Lentswe la Hao le ke ke la hholeha. Rea dumela, hore, "Mahodimo le lefatshe di tla feta, empa lona Le ke ke la hholeha." Re emela taba Eo ka bonatla.

<sup>324</sup> Jwale, Ntate, ho sehlophanyana sena se letileng. Ho na le ba bangata ba kulang ka mona. Mme ho na le ba bangata ba sa

bolekehang ka mona mohlomong. Batho ba bolekehileng, ba eso tlatswe ka Moya o Halalelang le jwale. Morena Modimo, O ke o hate temeng, ka Lentswe la Hao la pallo, batho ba tle ba shebe ba bone Jesu, le ho kgumama ba O neela dipelo tsa bona. Ba kulang ba shebe mme ba bone ho se letho le ka etsang hoo, haese Modimo, hoba e le Lentswe la Hae la pallo.

<sup>325</sup> Seo re se buileng kajeno, Melaetsa e mmedi eo, e ke e thasisetswe hona jwale. E matsohong a Hao, Morena. Mme le nna ke matsohong a Hao. Le yona—yona phutheho e matsohong a Hao. Sebetsa ka rona, Morena, ho tlotsisa Lebitso la Hao le leholo. Wena Rabosafeleng, aba sena tlotsisong ya Modimo. Amen.

<sup>326</sup> Kea tseba ho a tjhesa, mme ke batla ho leka ho rapella bakudi jwale. Mme ha le ka mpha metsotso e leshome le metso e mehlano, mashome a mabedi, ha ke tsebe ba ntshitse dikarete tse kae, empa re tla qala feela ho rapella bakudi.

<sup>327</sup> Jwale, Billy o mpoleletse a ntshitse, e ne e le eng? [Motho o re, "Nngwe ho fihla ho lekgolo." —Mong.] Lekgo—... Eng, eng? [Motho o a arabela.] Ho lokile. Be, ha re qaleng. O itse o ntshitse ho tloha ho nngwe ho fihla ho lekgolo. Ke ba bakae ba nang le dikarete tsa thapelo mona? Phahamisang matsoho a lona; dikarete tsa thapelo. Be, ke palo e utlwahalang. Re tla leka ho finyella ntho e nngwe le e nngwe eo re ka e kgonang, ha re kgonna. Jwale, re ke ke ra senola mehopolo ya bona kaofela, lea tseba, ka baka leo re tla rapela feela. Mme, motho e mong le e mong, ba bakae ba se nang dikarete tsa thapelo mona, mme leha ho le jwalo le kula? Phahamisa letsoho la hao. Ba bangata.

<sup>328</sup> Jwale, shebang. Ke eng? Jwale, kea tseba, mohlomong re a—a re morao hanyenyane dihlophisong, ka metsotso e ka bang leshome le metso e mehlano, empa ke batla ho bua ntho e le nngwe ena. Ekaba phapang dipakeng, mona, tsa ho qeta Bosafeleng Lehelimong kapa Diheleng. Le a bona? Shebang, tshabang le hlokomele, motsotso, mamelang Lentswe, mme le bone haeba esale Yena Kreste.

<sup>329</sup> Jwale, mohlomong ke tsebjwa ke motho e mong le e mong ya mona. Mme ba bangata ba lona ha ke ba tsebe, kahobane ke sa dule mona nako e lekaneng ho le tseba. Mme bongata ba lona bo tswa ka ntle ho motse. Ke batho ba bakae ba tswang ka ntle ho motse, phahamisang matsoho a lona. Le a bona?

<sup>330</sup> Jwale, ke ile ka botsa motho tlase motseng, ka letsatsi le leng, ka re, "Na o ye o tle?"

<sup>331</sup> Ho re, "Ha ho hlokahale hore rona re tle." Ho re, "Ho na le bongata bo boholo bo tswang ka ntle ho motse, ba fihang moo, ha re kgone ho kena." Le a bona?

<sup>332</sup> Empa hoo—hoo ho itoketse. Re tla ba etsetsa mokgwa wa ho kena. Le ka tla, leha ho le jwalo. Lemohang, ba fumane monyetla pele ho lona. E-ea.

<sup>333</sup> Jwale hopolang, jwale, ke mpa ke le moena wa lona. Kea kgolwa le utwisisa hoo. Ke motho; Yena ke Modimo. Empa Modimo a ka sebetsa feela, mme e sa le a sebetsa, le ho sebetsa feela, ka motho. Jwale tadinang bosiung bona, e seng ho nna kapa ho motho e mong, empa tadinang ho Jesu Kreste.

<sup>334</sup> Jwale bosiung bona le shebe Lengolo, seo Le se tshepisitseng. Ke ba bakae ba lona... Nka ntsha Mangolo a mangata a mefuta yohle, empa ke ba bakae ba tla dumela Baheberu 13:8, hore, “Jesu Kreste esale yena maobane...”? [Phutheho e re, “Amen.”] Mme ba bakae ba dumelang Johanne 14:12, “Mesebetzi eo Ke e etsang le tla e etsa le lona”? [“Amen.”] Le a bona? Ba bakae ba dumelang hobane O tshepisitse ha tsona dintho tseo A di entseng, ka mokgwa wa ho “senola mehopolo ya pelo,” e tla boela e kgutla tsatsing la ho qetela pejana A Khutla? [“Amen.”] Uh-huh. Ehlide. Re e tseba bohole. Ho lokile. Oh, a makae hape, Mangolo a makgolokgolo, empa rea e tseba!

<sup>335</sup> Jwale tadinang. Le se tadime ho bona moreri. Le se tadime ho bona molebedi. Tadinang ho bona Jesu. Le se bone motho; le bone Jesu. Ha le tadima, le bone Yena. Ha nka le thusa, ke ne ke tla e etsa, empa ha ke kgone. Nke ke kgona ho le thusa; ke mpa ke le moena wa lona. Empa, Yena ke Morena wa lona, tadinang ho Yena mme le phele. Ho lokile.

<sup>336</sup> Jwale ha re qaleng ka palo ya karete... Be, re tla qala ho nngwe. Ke ba bakae... Palo ya nngwe, ke mang ya tshwereng karete ya thapelo ya palo ya nngwe? Phahamisa letsoho la hao. E hokae? [Motho o re, “Hantle morao mane.”—Mong.] O bolela hore... [“O eme.”] Ana e ne e le yona? Oh, ke maswabi. Ho lokile. Palo ya nngwe, nyolohela kwano, mofumahadi, hantle... Le batla ho ba tlisa ka lehlakoreng lefe, ka *mona*? Ho lokile, tloo *mona* hantle, ha—ha o kgona ho tsamaya. Ha motho ya bitswang jwale, a holofetse, ba bang ba rona ba thuso ho o nyolla. Palo ya nngwe.

<sup>337</sup> Palo ya pedi, ke mang ya tshwereng karete ya thapelo ya pedi? Phahamisa letsoho la hao, kapele kamoo o ka kgonang. Palo ya pedi, e hokae? Ha ke e bone. Hokae? Ke maswabi, ha ke—ha ke... Hantle mona, mofumahadi.

<sup>338</sup> Palo ya tharo, ana o ka ema, kapa ntho e nngwe? Ke hantle, palo ya tharo.

<sup>339</sup> Palo ya nne. Karete ya thapelo ya palo ya nne, na o ka phahamisa letsoho la hao? E hokae? Ha ke e bone. Karete ya thapelo ya palo ya nne. Ho thweng? Palo ya nne.

<sup>340</sup> Palo ya hlano. Ke mang ya tshwereng palo ya hlano, na o ka phahamisa letsoho la hao? Ha ke e bone. Palo ya hlano.

<sup>341</sup> Palo ya tshelela. Palo ya tshelela. Ka potlako, ka potlako ruri, palo ya tshelela. Ho lokile.

Supa. O supa, wena? Ho lokile. Ke hantle.

<sup>342</sup> Robedi. Robedi, ka potlako ruri jwale. Ema, ka potlako jwale. Ho lokile, robedi. Ke hantle, monghadi.

Robong. Robong, e hokae? Palo ya robong. Ho lokile.

Palo ya leshome. Leshome, ho lokile, leshome, hantle ka mona. Leshome.

Leshome le motso, leshome le metso e mmedi, leshome le metso e meraro, leshome le metso e mene, leshome le metso e mehlano.

<sup>343</sup> Mme ho ke ke ha bitswa ba bangata haholo, le tle le fumane...Le a bona, lebaka leo re etsang hona...Ke karete feela e nang le palo hodima yona, le a bona, mme le mpa le tliswa ke palo ena. Hoo ho ba emisa ka mola.

Leshome le metso e mehlano. Karet ya thapelo ya leshome le metso e mehlano. Ho lokile.

<sup>344</sup> Leshome le metso e tsheletseng, leshome le metso e supileng, leshome le metso e robedi, leshome le metso e robong, mashome a mabedi, mashome a mabedi le motso, mashome a mabedi le metso e mmedi, mashome a mabedi le metso e meraro, mashome a mabedi le metso e mene, mashome a mabedi le metso e mehlano.

<sup>345</sup> Ha ba tle, ba eme moleng, mashome a mabedi le metso e mehlano, hofihlela le aha mola wa lona. Jwale le eme ka dipalo tsa lona. Ke hantle. Le se ke la tla hang-hang. Le tle le pota ka mona, ha le kgona, ha o le ka mane, mme o tle. Jwale mashome...

<sup>346</sup> Re bitsitseng, mashome a mabedi le metso e mehlano? [Motho e mong o re, "Mashome a mabedi le metso e mehlano."—Mong.] Ho lokile, ha re emiseng ho mashome a mabedi le metso e mehlano, motsotsotso feela. Ho lokile.

<sup>347</sup> Jwale ke re, ha o sa batle ho ema nako e telele, ha o e bona e fihla, jwale o ka tsamaya le bona hantle; mashome a mabedi le metso e mehlano, mashome a mabedi le metso e tsheletseng, mashome amabedi le metso e supileng. Feel, hantle, emang, mola o ke o kokobele ho se hokae, le tle le se eme nako e telele, haholo.

Jwale ha re inamiseng dihloho tsa rona.

<sup>348</sup> Oho, metswalie, jwale ke eng? Jwale re hokae? Jwale re—re pheletsong. Re fihlide moo ntho e nngwe e tlamehileng ho etswa, ho re "e" kapa "tjhe." Modimo o tlamehile ho fumanwa a lokile kapa a fositse.

<sup>349</sup> Jwale, kajeno ke rerile thero tse pedi, ka thata, ho leka ho le bolella seo A leng sona, ho le bolella ha nako e fela; seo A leng sona, seo A ne a le sona. Mme jwale ha re sheba, bosiung bona, ha re shebeng ho Yena.

<sup>350</sup> Jwale, motho e mong le e mong, ka Lebitso la Morena Jesu, le dule ditulong tsa lona jwale. Le se ke la tlala-tlala. Dula ka kgutso hofihlela o bitswa. Bana ba banyenyane ba ke ba...

<sup>351</sup> Jwale, ha nka re, “Inamisa hloho ya hao,” o etse jwalo kapele ruri, moratuwa, hoba ho tswa dintho tse mpe, tse kang mofetshe le malwetse, mme a kena hara batho, mme a kena ho ba bang. Bohle ba dumelang hoo, mme ba tseba e le Lengolo, e reng, “Amen.” [Phutheho e re, “Amen.”—Mong.] Re fumana, ka Bibeleng, meya e ditshila e ne e tloha ho e mong ho ya ho e mong, ha e ne e lelekwa. Mme e leka ho fumana sebaka.

<sup>352</sup> Mme re e bone makgetlo a makae ka hara kopano! Batho ba tla kopanong, ba phetse hantle ka ho phethahala ba atlehile, ba dule mono ba nyefole; mme, letsatsi kapa a mabedi kamorao ho moo, ba fumanwe ba foulfetse ka bottlalo, kapa ba ottilwe ka mofetshe, ba shwele ditho. Le a bona, hoba e ne e le bahetene. Ha ke na boikarabelo ho bona; ke ho badumedi feela. Bongata ba bona bo kene dingalang tsa batho ba sa itekanelang, dilemong tse ngata tse fetileng, mme ba sa dutse mono, ba bang ba kene lebitleng la bona, ka baka la ho kgohlalahala, ho se dumele.

<sup>353</sup> Mohedene ha a na sebaka hona jwale. Ke sebaka sa badumedi. E bang le tumelo ho Modimo!

<sup>354</sup> Ntate ya Mahodimong, jwale kopano ke ya Hao; esale e le ya Hao, ka dinako tsohle. Jwale, nka bua ka Lentswe la Hao; empa jwale, ho tloha jwale, nke ke ka bua. Ke Wena Ya buang jwale, Morena. Ho ke ho tsebjwe hobane mohlanka wa Hao o ba boleletse Nnete. Ha batho ba mona, mohlomong ho kula ba bangata mona, mme ba ke ke ba kena le moleng wa ho rapellwa, empa O sa ntse o le teng mona, Morena. O ka fodisa ka ntle mane, jwalo kaha O ka fodisa hohle. Lentswe la Hao le ke le tsebahatswe, ka Lebitso la Jesu, kea rapela. Amen.

<sup>355</sup> Jwale ha nka fumana maikutlo a lona a sa arohanang nakwana feela. Ke batla ho sheba mola ona wa ho rapellwa. Ha ke kgolwe ke tseba motho a le mong. Ana lona, ba moleng ona wa thapelo, bohole le basele ho nna, lea tseba hoba ha ke le tsebe? Phahamisang matsoho a lona ha le le bona. Ke bona. Ke ba bakae ka ntle mono ba tsebang ke sa tsebe letho ka lona? Phahamisang matsoho a lona, ka ntle mono, le a bona. Ehlide, diphesente tse mashome a robong le metso e mehlano tsa batho ba mona, ha ke ba tsebe. Ke nnete.

<sup>356</sup> Jwale mosadi e monyenyanke enwa, ha ke eso mmone bophelong ba ka. Ho nna ke molata ka bottlalo. Jwale, a ka ba mona ka baka la malwetse. A ka ba mona...Ekaba o entse ntho e nngwe. A ka ba mona ka baka la ditjhelete. Ekaba bothata ba lelapa. Mohlomong o mona ho emela motho e mong. Ha ke tsebe. Ha ke na mohopolo.

<sup>357</sup> Empa setshwantsho se hlakileng sa Mohalaledi Johanne ke sena, kgaolong ya 4, monna le mosadi ba kopana kgetlo la pele. Mme ntle le pelaelo, hore, mosadi e motjha eo ya kopaneng le Jesu, O ne a le moholo haholo ho yena, hobane, "Yena," ba itse, "E ne eka O mashome a mahlano, kapa kahodima mashome a mahlano," mme mohlomong e le mosadi e motle ya na ile sedibeng, esale ngwanana. Mme ke mona hape, bosiung bona, ho kopana batho ba babedi, e motjha le ya hodileng, ba sa tsebane.

<sup>358</sup> Mme jwale oeme mono. O na le lebaka la ho ema mono. Ha ke tsebe. Mohlomong oeme mono, e le mothetsi. Mohlomong oeme mono, a bua ntho e nngwe, athe ha se yona, ho bona feela se tla etsahala. Ha ho le jwalo, le hlokomele se tla etsahala. Le a bona? Le a bona?

<sup>359</sup> Jwale, ha ke tsebe mofumahadi eo; ha ke eso mmone. O mpile a phahamisa letsoho la hae, nakwana e fetileng, hore ke ne ke sa mo tsebe. Mme le nna ke phahamisa letsoho la ka, ha ke mo tsebe. Ha ke eso mmone. Be, jwale ha eba . . .

<sup>360</sup> Jwaloka motho, ke tla lokela ho re, "Mofumahadi, bothata ba hao ke bofe? O batlang mona? O batlang?"

<sup>361</sup> Mme o ne a tla re, "Monghadi Branham, ke—ke tlie kwano hobane ke—ke tshwerwe ke—ke mofetshe. Ke tshwerwe ke T.B. Ke na le hlahala." Kapa, "Ke feletswe ke tjhelete. Ke . . . Monna wa ka o ntlohetse." Kapa, "Ha kea nyalwa, mme mohlankana wa ka o entse jwana." O ne a tla lokela ho mpolella.

<sup>362</sup> "Be," e be ke re, "ho lokile, ke tla—ke tla—ke tla o rapella; mme ke bee matsho a ka hodima hao, le ho re, 'Morena Modimo, abela mosadi enwa seo a se batlang. Amen. Jesu, e etse!'" Ke re a tsamaye. Be, kea kgolwa, ha a ne a ka dumela hoo, o ne a tla fola. Ho itoketse. Eo ebile tshebeletso ya dilemo tse ngata, ngata.

<sup>363</sup> Empa ho tshepisitswe, matsatsing a qetelo, hore jwalo kaha Lengeloi, Modimo, a ne a ahile mmeleng wa motho ya fihlileng pejana Sodoma e tjha, mme A dula mokokotlo wa Hae o furaletse tente eo Sara a ne a le ho yona, le ho bolella Abrahama seo a ne a se nahanne ka tenteng; Modimo, nameng ya motho, a apere diaparo tsa motho.

<sup>364</sup> Mme ke yona feela tsela eo Modimo a ka e sebetsang ka yona kajeno, keha A kena nameng ya hao, o a bona, ho bontsha hore Modimo o ne a tla bonahatswa nameng ya motho.

<sup>365</sup> Jesu o itse, "Jwaloka matsatsing a Sodoma, ho tla ba jwalo ho tleng ha Mora motho." Re na le moromuwa, Billy Graham le bao tlase mono Sodoma, empa Kereke e kgethilihweng e amohetse Molaetsa le moromuwa.

<sup>366</sup> Jwale, ha mofumahatsana enwa...ha Moya o Halalelang...Ha ke re O tla e etsa, ha A ka tla mme a mpolella seo o se emetseng mona, kapa—kapa seo o se batlang, kapa seo o se entseng, kapa seo o leng mothating wa ho se etsa. Kgele, o ne o tla tseba hobane e tlamehile ho tswa mohloding o phahametseng tlhaho, hoba reeme mona, o a bona. E tla be e le nneta, ha ke re? O no o tla tseba hore e ne e tlamehile ho tswa matleng a mohlolo. Mme ha Bibebe e boletse Jesu a entse ntho e tshwanang, le ho tshepisa ho e etsa hape matsatsing a qetelo, jwale le tla dumela hobane e ne e le Yena. Ke ba bakae ba dumelang ntho eo? [Phutheho e re, "Amen."—Mong.] Jwale le tla bona Jesu. Le tla bona Lentswe la Hae.

Jwale o re, "Na Yena ke Lentswe?"

<sup>367</sup> Bibebe e Mmoletse e le Lentswe. Mme Bibebe e boletse Lentswe le senola mehopolo e ka pelong. Na ke nneta? [Phutheho e re, "Amen."—Mong.] Jwale e tla ba Lentswe le buang ka melomo ya motho, le senola mehopolo.

<sup>368</sup> Jwale, nke ke ka kgona. Ha ke na mokgwa wa ho e etsa, le a bona, hoba ha ke mo tsebe; empa Yena o a tseba, mme Ke Lentswe.

<sup>369</sup> Mme ke Yena Ya ka nkang meya ya rona e mmedi, jwalo ka mosadi sedibeng, le Yena, mme a e tswakanya; le ho tloha ho mpontsha seo a se batlang mona, seo a se entseng, kapa seo a se batlang, kapa ntho e nngwe. Ke moo nka e buang mme ka e bolela, mme jwale ho ho yena.

<sup>370</sup> Jwale o re, "Moena Branham, na o ka mo fodisa?" Tjhe, tjhe. Nka sitwa. O s'a n'a a etse hoo. Re fodisitswe ka maqeba a Hae.

<sup>371</sup> Empa e le ho totisa tumelo ya hae, ho mo tsebisa, hore, haeba A tseba seo a bileng sona le seo a se batlang, O tseba—O tseba mokgwa wa ho fana ka sona le seo a tla ba sona hamamorao. Na ke nneta? [Phutheho e re, "Amen."—Mong.] Jwale, na motho e mong le e mong o dumela seo? ["Amen."]

<sup>372</sup> Jwale le be le hlompho le tiile. Mme lona batho ba ka ntle mono jwale, ba se nang dikarete tsa ho rapellwa, le rapele.

<sup>373</sup> Jwale, le hopole, Jesu o kile a feta hara sehlopha ka tsatsi le leng, mme mosadi e monyenyan a ama seaparo sa Hae. Mme A reteleha, a re, "Ke mang ya Nkamileng?" Yaba O sheba hohle hodima phutheho hofihlela A mo fumana, mme a mmolella hobane o ne a ena le phallo ya madi. Mme madi a hae a kgaotsa nakong eo. Le a bona?

<sup>374</sup> Jwale, Bibebe e boletse ha jwale E le "Moprista e Moholo ya ke keng a sitwa ho angwa ke maikutlo a rona." Na ke nnete?

<sup>375</sup> Ke shebile Moena Way mona, o dutse pela mosadi wa hae mona. Ha se kgale ha monna eo a ne a eme mona ke ntse ke

rera, jwalokaha Pauluse a ne a rera bosiu bohle phirimana e nngwe, yaba monna enwa o shwa a wela fatshe hantle ka hara phutheho. Mme Moya o Halalelang wa boela wa mo phedisa. Yena ke paki, le a bona, hore, "Jesu Kreste e sa le yena maobane, kajeno, le ka ho sa feleng."

<sup>376</sup> Ke ba bakae ba eso bone Moena Way, mme ba ka rata ho mmona; phahamisang matsoho a lona, ha le eso mmone. Moena Way, na o ka ema? Monna ke enwa, ya ileng a shwela moo a batlang a dutse hona jwale. Mosadi wa hae ke enwa, mooki ya kwetlisitsweng, oeme mono hantle. Mothapo wa hae o ne o sa thanye, o putlame; mahlo a hae a petohile, mme sefahleho sa hae se ntshofetse; lefu la pelo.

<sup>377</sup> Ngaka e ne ile ya mmolella a tshwerwe ke lefu la pelo. Pele ho moo, ha se kgale haholo, ha ke le senola ka temoho ya meya, mme ka mmolella hobane o na le lefu la pelo. Mme yaba, hang, pelo ya hae ea ema, mme a wela fatshe. Mme ke eo moo a na a le teng, a robetse mono, ho fedile ho hang.

<sup>378</sup> Ekaba makgetlo a tsheletseng kapa a robedi moo ke boneng Morena Jesu a tsosa bafu. Ke Mmone a e etsa, mme A ka e etsa bosium bona.

<sup>379</sup> Jwale ke bea moya o mong le o mong ka mona, tlasa taolo ya ka, tlotsong ya Modimo, ka Lebitso la Jesu Kreste. Ebang le hlompho. Le hlokomele.

<sup>380</sup> Ke batla ho qoqa le wena, mofumahadi. Ke ne ntse ke rera, o a bona. Mme e le ho hokana le moya wa hao feela, ke seo ke se etsang hantle. O a bona?

<sup>381</sup> Ntho e teng ka ho wena, bophelo, hoseng jwalo o ka be o sa ema mono; o ka be o le sebopinho feela, se robetseng se shwele, mme bophelo bo ka be bo le siyo ka ho wena. Empa, ere kaha bophelo bo le teng ka hara nama eo, boa o laola. O a bona? Mme jwale esita le mehopolo ya hao le seo o se nahang, mantswae ao oa buang, le ntho e nngwe le e nngwe, ke sona se o phelang ka sona. O a bona? Ke seo o leng sona, ke mantswae a hao, mehopolo ya hao, le sohle seo o ka bang sona.

Jwale, rona, re mona, rea dumela. Jwale Moya o Halalelang . . .

Jwalokaha Jesu a buile ho mosadi, "Mphe metsi."

<sup>382</sup> Mme, eitse ha a tlisa, a re, "Kgele, Wena, ha O a lokela ho nkopa ntho e jwalo. Nna ke—ke Mosamaria. Wena o . . . O Mojude. Meetlo ya rona ha e kopane, ha ho—ho letho, leo re ka le qoqang."

<sup>383</sup> Jwale, empa, ehlide, bobedi ba rona re Baditjhaba. Mme re eme mona feela re dumela ho Modimo. Jwale, ha Moya wa Hae o ntla ka neo, mme nka o bolella taba; o tla tseba hoba e lokile kapa tjhe, hoba o phetse karolo eo ya bophelo. Jwale he, o na le neo, ya ho e dumela. Mme ha o ka e dumela, mme A ka

o bolella yona, jwale ho fedile. Mme e tla sebeletsa motho e mong le e mong mona. Jwale, motho mang le mang a be le hlompho e tiileng.

<sup>384</sup> Mme mosadi o tshwenngwa ke ntho e phoso mmetsong wa hae. Ke maemo a mmetso. Ha e le nnete, phahamisa letsoho la hao. Jwale, ha ke eso mmone bophelong ba ka. Ke hantle. Ke morero wa hae wa ho tla mona, ke tle ke rapelle mmetso wa hae.

<sup>385</sup> Jwale, hona moo, kapele ha ke rialo, kapa pejana, o ne a... O ile a tseba hobane Ntho e eme pela hae. Ntho e nngwe ya mo atamela, lekgatheng leo. Le ne le ka bona maikutlo a ho yena, maikutlo a monate a hlasimollang, jwalo, a fihla.

<sup>386</sup> Lesedi leo le le bonang setshwantshong. O hokae, George? Lesedi leo le neng le hlahile setshwantshong, le lopaletse hantle hodima mosadi, hona jwale. Le a bona, le tekanyong e nngwe. Ke modumedi, e seng moiphehi. Ke modumedi.

<sup>387</sup> Jwale, erekha ha o le modumedi, o dumela ke le mohlanka wa Hae le moporofeta? Eka kgona ho be jwalo, ho ka tseba hoo. [Kgaitsedi eo o re, "E, monghadi."—Mong.] Na o dumela A ka o bolella dintho tse ding tse pelong ya hao? ["E, monghadi."] Ho lokile.

<sup>388</sup> Ntho e nngwe e pelong ya hao ke ena. Ke motho eo o mo rapellang; ngwana. O a dumela A ka mpolella se phoso ka yena? Le na le kokoanahloko. Na ke nnete? [Kgaitsedi eo o re, "Ke nnete. E."—Mong.] O a dumela Modimo a ka mpolella o mang? ["E, monghadi."] O Mof. Walker. ["Ke nnete."] Ha o tswe mona. ["Tjhe."] O tswa Borwa. ["Hantle."] Georgia. ["Ke nnete."] O tla kgutlela hae, o phetse. Jesu Kreste o fodisitse wena le ngwana wa hao. O se belaele ka yena. Ho fedile. Modimo a o hlohonolofatse, kgaitsedi.

<sup>389</sup> O phela jwang? Jwale mosadi e mong ke enwa. Ha ke mo tsebe, ha ke eso mmone. Empa e le mosadi ya emeng mono. Jwale le shebe, esale ke rera, nako ena yohle, ho qala ka hora ya borobedi, ke ya leshome hona jwale. Ke se ke qetile dihora tse pedi mona. Temoho e le nngwe eo ya moyo e mphokodisitse ho feta theroy dihora tse pedi. Le a bona? Hoo... Le a bona?

O re, "Na o tiile ha o rialo." Oh, e.

<sup>390</sup> Mosadi eo ya ileng a thetsa moleka wa kobo ya Hae. O ile a re, "Ke utlwile molemo o tswa ho Nna," matla. Na ke nnete? Ke seo e se etsang.

Jwale, mosadi eo ke eso mmone ke enwa.

<sup>391</sup> Billy o ile a tloha, ha eba le ile la hlokomba ntho e nngwe, mme a lata moshanyana eo re nang le yena mono, George. Ke moshanyana wa moMobaptise. Ke batla a bone hoba seo re buang ka sona ke Modimo. Ntat'ae, lelapa, ke batho ba

lokileng. Ba kwana Mexico, bomishinareng, monna ya mosa. Mme ntat'ae o a kula, le yena. Ke mo emetse a kgutle feela. Jwale o shebe hantle, George.

<sup>392</sup> Jwale, mofumahadi enwa, ha ke—ke—ke mo tsebe. Ha ke—ke eso mmone. Kea kgolwa ha re tsebane. [Kgaitandi eo o re, “Ke nnate.”—Mong.] Ha re tsebane.

<sup>393</sup> Empa jwale, Moya o Halalelang, mosa wa Jesu o leng teng, etswe bohole re dipaki tsa taba eo. Jwale ha Morena Jesu a ka ntshenolela ntho e nngwe ka wena . . .

<sup>394</sup> Jwale, hola ke kgona ho o fodisa, ke ne ke tla etsa jwalo, empa nka sitwa ho etsa seo A seng a se entse. Ntho feela, hola A na a eme mona bosiung bona a apere sutu ena, eo A mphileng yona, be, jwale, O—O na a ke ke a o fodisa, hoba A sa na ho etse. “Re fodisitswe ka maqeba a Hae.” Le a bona? Empa ntho e le nngwe A na a tla e etsa, ke ho Ithalosa ka Lentswe leo A le tshepisitseng, le ho o bontsha hobane esale Yena maobane, kajeno, le ka ho sa feleng. Mme O tshepisitse ho e etsa.

<sup>395</sup> Jwale ha A ka ntshebedisetsa ho o bolella lebaka la ho tla ha hao kwano, ana o tla sebedisa tumelo eo o nang le yona, ho Yena, ho dumela hobane o fumana seo o se tshwereng . . . o leng mona ka sona? Ka pelo ya hao yohle? [Kgaitandi eo o re, “E, ke tla etsa jwalo.”—Mong.] Ho lokile, Morena a ke a e abe.

<sup>396</sup> Ke bona mofumahadi a ena le ntho e phoso. Hlahlobo e bontsha e le—e le mala a kgaohileng. [Kgaitandi eo o re, “Ke nnate.”—Mong.] Ke nnate. [“Ke nnate.”] Ho jwalo, e, monghadi, mala a kgaohileng. [“Ke lona.”] O a dumela Modimo a ka fodisa ho kgaoha hoo? [“E, monghadi. Ke dumela sohle seo nka se dumelang.”] Lona, lona—lona bohole . . . [“Ka sohle tseo nka dumelang ka sona.”] Modimo a o hlohonolofatse. [“Modimo a ka fodisa mala a ka.”]

<sup>397</sup> Jwale, ha o tswe mona. [Kgaitandi o re, “Tjhe, monghadi.”—Mong.] Ebile boitelo bo boholo ho tla kwano. [“E, ebile bona.”] Ebile bona. [“Ho bokwe Morena!”] Ee. Ee. O tswa Tennesse. [“E, monghadi.”] Ke nnate. Mof. Hart. [“Ke nnate.”] Kgutla; o se ke wa belaela. O tla fola, ha o ka dumela.

<sup>398</sup> O phela jwang, mofumahadi? Ha re tsebane. [Kgaitandi o re, “Ke nnate.”—Mong.] Ha ke eso o bone bophelong ba ka, kamoo ke tsebang. Mohlomong ke o bone, kae-kae kopanong, mme mohlomong wa mpona, empa ha ke o tsebe. Modimo wa o tseba. O a dumela ke mohlanka wa Hae, mme lentswe leo ke le rerileng ke Nnate? Be, erekha ha ke le molata ho wena; le Lentswe, leo ke le rerileng, o dumetse ho lona.

<sup>399</sup> Ntho feela, ke ena, ba bang ba bona ba o file karete; e mong wa diashara, kapa mora wa ka, kapa motho e mong o o file karete. Palo ya hao e bitsitswe, mme ke wena enwa. Ke phetho seo ke se tsebang.

<sup>400</sup> Empa o mona, o tshwerwe ke maemo a dinerefe. A o tshwenya hampe. O na le motho e mong hape. Ho na le motho o mo rapellang. Ke...Ke monna wa hao. Mme o na le bothata ba moyo boo a sa kgoneng ho bo hlola. Mme o na le ngwana ya kulang, hape. Ha o tswe mona, empa o tswa Leboya. O tswa Canada, o tswa Alberta. Ke nnete. O dumela ho nna jwalo ka moporofeta wa Modimo, le ho dumela seo ke o bolellang sona e le Nnete, eya hae mme o amohele seo se fumaneng. E. Dumela. Modimo a o hlohonolofatse, mofumahadi.

<sup>401</sup> Ke molata ho wena. Le wena o molata ho nna. Ha ke o tsebe. Empa Modimo oa o tseba. O dumela hore ke mohlanka wa Hae? [Kgaitsemi o re, "E, ke etsa jwalo."—Mong.] Ka pelo yohle ya hao? Ha ke o tsebe, letho ka wena. Hola nka o fodisa, ke ne ke tla etsa jwalo, empa nke—nke ke ka kgona. ["Amen."] Ha ke mofodisi. Ke motho feela. Empa Yena ke Modimo. Ke batla ke ferekane, hoba ho eme mosadi ya hodileng pakeng tsa ka le wena. Ke motho eo o mo rapellang. ["E."] Ee. Ke mm'ao. ["E, ke yena. E."] Mme o hloptjhwa ke—ke kgatello ya madi. ["E, e mo tshwere."] Mme wena o na—o na le tshwaetso ya phiyo. ["E, monghadi."] Ke nnete. ["Ho nepahetse."] Na o dumela seo? ["E, ke etsa jwalo."]

<sup>402</sup> Mm'ao ha a yo mona. [Kgaitsemi o re, "Tjhe."—Mong.] Empa ha o ya ho yena, nka sekhafo seo se molaleng wa hao, mme o se behe hodima mm'ao, mme o se belaile, mme kgatello ya madi e tla mo lesa, mme le tshwaetso ya hao e tla tsamaya. Tsamaya, o dumele jwale.

<sup>403</sup> Le a dumela jwale? [Phutheho e re, "Amen."—Mong.] Ka pelo tsohle tsa lona? ["Amen."] Jwale, le a bona, ha ke sheba hodima phutheho, mme eka ho batla ho—ho qala ho tlala mohudi, jwalo, ka ntle mono.

<sup>404</sup> "Dintho tsena tseo Ke di etsang le tla di etsa le lona." O entse tse ngata mona, bosius, ho fetu tseo A...tsa mofuta oo, ho fetu tseo A di entseng leetong lohle la bophelo ba Hae. Ke nnete.

Jwale, mofumahadi enwa mona, mosadi e motjha. Ha ke mo tsebe, ke molata ho nna. Empa na wa dumela hobane ke mohlanka wa Hae? [Kgaitsemi o re, "E."—Mong.] Jwale motsotsotso feela.

<sup>405</sup> Ho hlahla monna ka pela ka, motho ya letshweleng. Jwale motsotsotso feela. Motho ya ka hara letshwele. Le sa tswa tloha mona; Lesedi leo le tlohilie mona. Mme monna o na a eme pela Lona, mme ke kae-kae letshweleng. O se ke wa tepella; o iphe matla.

<sup>406</sup> Ha re kgutleng re shebeng mosadi hape. Jwale ha Morena Modimo....Ho se ho fetile, ba tshleletseng kapa ba supileng, kapa ntho e nngwe moleng, tlasa temoho ya meya. Mme ha Morena Jesu a ka ntshenolela, ho mosadi enwa, se phoso ka

yena, ana ho tla etsa lona bohole le dumele ka pelo yohle ya lona? Ana le ka amohela Kreste hodima motheo oo? [Phutheho e re, "Amen."—Mong.] Le a bona? Kgetlo le le leng le tlamehile ho e paka. Makgetlo a mararo ke thasisetso. Mme mona ke makgetlo a mashome a likete, ho se phoso le ka mohla.

<sup>407</sup> Ha wa tlela wena mona. O tletse monna mona. Mme ke mmona a dutse a inamisitse hloho ya hae. O ntse a tsuba sakrete, mme o rapella disakrete ho mo lesa. Hoo ke... Morena Modimo a o fe takatso ya hao, kgaitsedi. Eya, o dumela ka pelo yohle ya hao, mme letemona leo la tlwaelo le ke le tlohele monna wa hao, ka Lebitso la Morena Jesu.

<sup>408</sup> Bothata ba hao bo mokokotlong wa hao. O a dumela Modimo o tla o phekola? O etsa jwalo? [Kgaitsedi o re, "E, ke etsa jwalo."—Mong.] Ho lokile. Tsamaya, o re, "Ke a O leboha, Morena."

<sup>409</sup> Ke tseba mosadi enwa, ke a kgolwa ke moradi wa Mof. Neece. Ha ho jwalo? [Kgaitsedi o re, "E."—Mong.] Ke a kgolwa e ne e le yona. Modimo a o hlohonolofatse. Bothata ba hao ba kgale ba mokokotlo bo tla o lesa jwale mme o ka ya wa phela.

<sup>410</sup> O a dumela Modimo a ka fodisa athritis eo le ho o phekola? E ya o Mmolelle hoba o dumela ho Yena. Dumela feela ka pelo yohle ya hao.

<sup>411</sup> O phela jwang, monghadi? O a dumela Modimo a ka fodisa bothata boo ba mala le ho o phekola? [Moena o re, "Amen."—Mong.] Ho lokile, jwale e ya, o re, "Ho lebohuwe Morena, ke—ke tla phela jwale." Mme—mme o tla—o tla phela.

<sup>412</sup> Bothata bo bong ba athritis, le botsofadi, hape. O a dumela Modimo a ka o fodisa ha nka o bea matsoho? [Kgaitsedi o re, "O entse jwalo hangata, ka wena, ka ho mpea matsoho, moena."—Mong.] Ana le utlwile taba eo? [Phutheho e re, "Amen."] Morena a hlohonolofatse kgaitsedi ya ka, mme a mo lopolle hape bosiusing bona. Amen. Dumela ho Yena feela.

<sup>413</sup> Lefu la pelo, lefu la mala. [Kgaitsedi o re, "E."] O a dumela Modimo a ka le fodisa? Ho lokile. Eya, ka Lebitso la Morena Jesu, A ke a o phedise.

<sup>414</sup> O phela jwang, wa thaka? Maemo a asma. O a dumela Modimo a ka fodisa asma? [Moena o re, "E."] Eya, o dumele; O tla e etsa. Ho lokile.

<sup>415</sup> Maemo a daebetise. Oa dumela Modimo a ka fodisa madi a hao a ba a o phedisa? Eya, o Mo dumele, mme O tla e etsa. O e dumela ka pelo yohle ya hao?

<sup>416</sup> Ha ke sa bue letho ho wena teng; haese ho bea matsoho a ka hodima hao; oa dumela Moya o Halalelang o mona ho o phekola? [Mokudi o re, "E."] Ke wona mokgwa wa ho e etsa. Tloo kwano. Ka Lebitso la Jesu Kreste, a ke a tlohe mme a fole. Amen.

<sup>417</sup> Tloo, mofumahadi. Ha ke sa bue letho ho wena, o a dumela Modimo o ne a tla o fodisa bothata boo ba bosa... Tjhe, o ntshwarele, O se a e buile. Tsamaya. Modimo a o hlohonolofatse. Eya, eya, o dumela, jwale he, o be o phele.

<sup>418</sup> Oa dumela, monghadi, ka pelo yohle ya hao? Modimo o fodisa lefu la pelo ha ke re O etsa jwalo? [Moena o re, "E, monghadi."—Mong.] O fodisa motho. Ke tiile O etsa jwalo.

<sup>419</sup> Yena, Ke Modimo. Le a e dumela? [Phutheho e re, "Amen."—Mong.] Le dumela ka pelo yohle ya lona? ["Amen."] Ebang le tumelo ho Modimo!

<sup>420</sup> Ho na le monna ya entseng ntho e nngwe mona, metsotsong e mmalwa e fetileng. Ke batla ho e fumana. E ne e le madi. Motho ya hlahetsweng ke ho kang kotsi, kapa ntho e nngwe e hlahileng. Ho ne ho—ho ne ho fopha madi. E le sebakeng se seng. Monna eo o na a eme mona. Ke ile ka rapela feela. E, ke yona. Ke monna ya du... Kgele, ke J.T. Parnell. Ke tseba moshanyana eo. O dutlela madi ka hare, J. T. O a dumela Modimo o tla o fodisa? Ho lokile, a tla kgaotsa he, J.T. E dumele ka pelo yohle ya hao.

<sup>421</sup> Mofumahadi e monyenyan ya dutseng hantle mona, a shebile, o dutse pela Moena Grimsley. Lesedi le eme pel'a hae. Wena, ka kholloro e tshweu. Mary, ha ke o tsebe, empa ke lebitso la hao leo. O na le bothata ba moyo, o bile o na le dinerefe. Lebala; ho tla itokela. Dumela ka pelo yohle ya hao. Eba le tumelo ho Modimo. Ha o ka dumela feela.

<sup>422</sup> Mofumahadi e monyenyan enwa ya dutseng morao hantle moleng o kamorao mono, ka lehlakoreng ka mane, o tswa Michigan, o na le lefu la bosadi. O a dumela Modimo o tla o fodisa? O ka fumana seo o se kopang, he. O a e dumela? Amen. Phahamisa letsoho la hao, o re, "Kea e amohela." Ho lokile, o ka ya hae wa phela. Ha ke tsebe mofumahadi eo, empa Modimo oa mo tseba.

<sup>423</sup> Ka wena ya robetseng moalong? Ke wena feela monna ya holofetseng, kapa monna ya hodima moalo. Ke molata ho wena. Ha ke o tsebe. Modimo o a o tseba. Empa, jwale ke re, o kgurumeditse ke lefu. O na le mofetshe. O tlide o tswa hole haholo. O tswa Cincinnati, mona. Lebitso la hao o Mongh. Hawk. Dumela ka pelo yohle ya hao. Ha o ka dula mono, o tla shwa. Amohela Jesu Kreste o phele. O dumela ho Yena? Jwale ema ka maoto a hao, tswa lepareng leo, mme o amohele Jesu Kreste.

<sup>424</sup> Ba bakae ka mona ba dumelang ho Yena, motsotsong ona? [Phutheho e re, "Amen."—Mong.] Ana le dumela ka pelo yohle ya lona? ["Amen."] Jwale, e mong le e mong wa lona, ha re emeng hona jwale. Emang. Jwale ka mokgwa wa lona, kamoo le rapelang, bea matsoho a hao hodima motho e mong ya pela hao.

<sup>425</sup> Kgaitsemi Brown o hokae? O na ntsa dutse mona, o tshwerwe ke ntho eo. Tsatsi le leng o ile a mpitsa mohaleng, mme o na a sa kgone ho phahamisa matsoho a hae. Ka bona hoba ho ne ho ena le phoso mading a hae. Ha ke kopana le yena tsatsi le leng... O na le daebetese. O kae? O na a le teng mona le Mof. Dauch, nakwana e fetileng. Ho lokile, Kgaitsemi Brown. Bosiung bona, ke batla o dumele ka pelo yohle ya hao. Kea tseba o tseba se phoso ka wena, empa ke batla o dumele. O tswa kokelong, wa tla kwano, o a bona, ho rapellwa. Ke a o rapella jwale. Dumela. O tla phela.

<sup>426</sup> Margie, eba le tumelo ho Modimo. E tla kgaotsa jwale. E tla fela. O kgona ho fodisa daebetese, O kgona ho fodisa bohloko boo ka maleng a hao.

<sup>427</sup> Jwale le beane matsoho, mme le bee matsoho a lona mono motsotso feela. Beanang matsoho feela, tshwarang... Le a bona, e ya ho hora ya leshome le motso o mong, mme boholo ba batho bana ba tlamehile ho kganna ba ye Tennessee le dibakeng tse fapaneng.

<sup>428</sup> Ruri, Morena Modimo o pakile. Le bone eng, bosiung bona? Ana le bone monna kapa le bone Jesu, Jesu ya thasisetsang Lentswe la Hae.

<sup>429</sup> Disakatuku tsena di robetse mona, tlolo e sa le hodima ka, ke beile matsoho a ka hodima disakatuku tsena, ho rapela hore Modimo o Matlaohle... Ba re, "Ba ba ile ba nka masela, a amileng mmele wa Pauluse."

<sup>430</sup> Bana ba ne ba shwele, mme jwale ba tsositswe. Ba bang mona ba kile ba hlahelwa ke dikotsi, ba phetshtswe, ba fodile. Ho na le...

<sup>431</sup> Ke bona Mof. Wilson a dutse mono, eo, nakong e seng kaalo e fetileng, a na a tshwerwe ke hemoreje, ke TB, dilemolemong tse fetileng. Ke enwa bosiung bona, dingaka di ne di mo file dihora tse mmalwa feela ho phela. Ke enwa o eme mona bosiung bona.

<sup>432</sup> Hohle, ka mona, ba shweleng ditho, difofu, diritsa, ba ditulong tsa bakudi le ntho e nngwe le e nngwe, bosiung bona ba eme jwalo ka dikgau tse phelang. Hobaneng ho le jwalo? Jesu Kreste wa phela, esale Yena maobane, kajeno, le ka ho sa feleng.

<sup>433</sup> Monna eo ya sa tswa paka, nakwana e fetileng, ka yena, tlase mono, ya na tshwerwe ke sethwathwa, se mo tshwere dilemo tsena tsohle, le ntho e nngwe le e nngwe, mme kgetlo le le leng feela ka hara kopano. Mme e ka ba, dilemo tse mashome a mabedi mohlomong tse fetileng; ha eso futuhelwe ke sona ho tloha mohlang oo. Ke e mong wa ba mashome a dikete.

<sup>434</sup> Yena ke mofodisi. Amen. O a fodisa. Jwale, le se ke la hapeha. Feel a, ka tumelo e tshwanang le ya ngwana, tadinang

Kalvari. Kwala mahlo a hao o lebale hore o ka hara Tabernakele ena. Kwala mahlo a hao o lebale motho ya o potileng, mme o tadime Jesu o bone. Tadima ho Jesu jwale o phele.

Ho ngodilwe Lentsweng, allelu!  
Ke ho “sheba feela le ho phela.”  
Oh, “sheba o phele,” moena, o phele,  
Sheba ho Jesu jwale o phele;  
Ho ngodilwe Lentsweng, allelu!  
Ke ho “sheba feela le ho phela.”

<sup>435</sup> Kwalla motho mahlo a hao. Kwalla dintho tse o potileng mahlo. Mme o shebe ka tumelo ya hao ho Jesu Kreste, mme o tsebe, ho re, “O hlabetswe dibe tsa hao; mme o fodisitswe ka maqeba a Hae.”

<sup>436</sup> Morena Jesu, e re batho bana ba sa rapela, mme, ba beane matsoho hodimo. Mme rona re... rea elellwa re eme ka pela Sefahleho sa Jesu Kreste ya phelang, ya tsohileng, ka sebopinho sa Moya o Halalelang, ho re senolela diphiri tsa dipelo tsa rona, ho re tsebisa ditakatso tsa rona, ho re tshepisa A tla re fa ditabatabelo tsa rona ha re dumela feela.

<sup>437</sup> Banna le basadi ba beane matsoho hodimo. Ba ntse ba rapela, hoba re baahi-mmoho Mmusong wa Modimo. Re baena le dikgaitsedi ba Jesu Kreste.

<sup>438</sup> Mme, Satane, re tla ho wena ka phepetso ya Lebitso la Morena Jesu. Yena ke Sabole. Ke Yena ya kgaolang malwetse. Ke Yena ya kgaolang dipelaelo. Ke Yena Mohlodi. Jwale re o phepetsa, ka Lebitso la Jesu Kreste, ho tswa bathong bana, Satane!

<sup>439</sup> Lentswe la Modimo le a bonahatswa. Le a bolotsa, le tlosa pelaelo, le tlosa malwetse, mme le tlisa topollo e phethahetseng. Re rapela Moya o Halalelang ho tsholohela hodima batho bana, le ho ba fa matla a tumelo ho dumela hobane Boteng ba Kreste ya matlaohle bo teng hona jwale. Fana ka sena, Morena.

<sup>440</sup> Ke kgalema bolwetse bo bong le bo bong. Ke kgalema mafu wohle. Ke kgalema ho se dumele hohle. Ka Lebitso la Jesu Kreste, Moya o Halalelang o ke o hlomphe seo ke se buileng, mme o haole mohahong ona mme o lokolle motho e mong le e mong ya ka pela Sefahleho se Halalelang.

<sup>441</sup> Phahamisang matsoho a lona jwale le Mo rorise. Ke le tlaleha le phetse le fodile, ka Lebitso la Jesu Kreste! 

*TADIMANG HO JESU* SST63-1229E  
(Look Away To Jesus)

Molaetsa wona, ka Moena William Marrion Branham, o rerilwe sethatong ka Senyesemane ka Sontaha mantsiboya, Tshitwe 12, 1963 mane Tabernakeleng ya Branham mane Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2008 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)